

四庫全書

子部

欽定四庫全書

子部  
莊子注卷七

詳校官監察御史臣邱庭澍

檢討臣何思鈞覆勘

總校官進士臣朱鈐

校對官主事臣陳墉

謄錄監生臣王宮

欽定四庫全書

莊子注卷七

晉 郭象 注

達生第十九

達生之情者不務生之所無以為

生之所無以為者分外物也

達命

之情者不務知之所無奈何

知之所無奈何者命表事也

養形必先

之物物有餘而形不養者有之矣

知止其分物稱其生知生斯足矣有餘則傷

也有生必先無離形形不離而生亡者有之矣

守形太甚故生

亡也。離力智反下同

生之來不能却其去不能止

非我所制則無為有懷於

其悲夫世之人以為養形足以存生

故彌養之而彌失之

而養形

果不足以存生

養之彌厚則死地彌至

則世奚足為哉

莫若放而任之

雖

不足為而不可不為者其為不免矣

性分各自為者皆在至理中來故不

可免也是以善養生者從而任之

夫欲免為形者莫如棄世棄世則無

累無累則正平平則與彼更生更生則幾矣

更生者日新之

謂也付之日新則性命盡矣。幾其依反

事奚足棄而生奚足遺棄事則形

不勞遺生則精不虧

所以遺棄之

夫形全精復與天為一

俱不

為也天地者萬物之父母也

無所偏為故能子萬物

合則成體散則

成始

所在皆成無常處

形精不虧是謂能移

與化俱也

精而又精反

以相天

還輔其自然也相息亮反

子列子問關尹曰至人潛行不

室

其心虛故能御羣寶

蹈火不熱行乎萬物之上而不

慄

至適故無不可耳非物往可之

請問何以至於此關尹曰是純氣之

守也非知巧果敢之列居予語女凡有貌象聲色者皆

物也物何以相遠

唯無心者獨遠耳

夫奚足以至乎先是色而

已

同是一物耳未足以相先也

則物之造乎不形而止乎無所化

常遊

於

夫得是而窮之者物焉得而止焉

夫至極者非物所制

彼將處

乎不淫之度

止於所受之分

而藏乎無端之紀

冥然與變化日新

遊乎

萬物之所終始

終始者物之極

壹其性

飾則二矣

養其氣

不以心合使之

合

其德

不以物離性

以通乎物之所造

萬物皆造於自爾

夫若是者其

天守全其神無卻物奚自入焉夫醉者之墜車雖疾不

死骨節與人同而犯害與人異其神全也乘亦不知也

墜亦不知也死生驚懼不入乎其胸中是故選物而不

惴彼得全於酒而猶若是

醉故失其所知耳非自然無心者也○卻去逆反

而

況得全於天乎聖人藏於天故莫之能傷也

不關性分之外故曰

藏復讐者不折鎡干

夫干將鎡鉞雖與錐為用然報讐者不事折之以其無心。鎡音莫

吳王闔閭使干將造劍劍有二狀一曰干將二曰鎡鉞鎡鉞干將妻名也

雖有忮心者不怨

飄瓦

飄落之瓦雖復中人人莫之怨者由其無情。忮音支害也

是以天下平均

凡不

平者由有情故無攻戰之亂無殺戮之形者由此道也

無情之道

大不開人之天而開天之天

不慮而知開天也知而後感開人也然則開天者性

之動也開人者知之用也

開天者德生

性動者遇物而當足則忘餘斯德生也

開人者

賊生

知用者從感而求勸而不已斯賊生也

不厭其天不忽於人

任其天性而動

則人理亦自全矣

民幾乎以其真

民之所患偽之所生常在於知用不在於性動也

仲

尼適楚出於林中見病僂者承蜩猶掇之也仲尼曰子

巧乎有道邪曰我有道也五六月累丸二而不墜則失

者錙銖

累二丸於竿頭是用手之停審也其承蜩所失者不過錙銖之間也○病於禹反僂音縷承一

本作美蜩音條蟬也掇丁活反拾也五六月黏蟬時也累方彼反下同謂累之於竿頭也

累三而不

墜則失者十一

所失愈少

累五而不墜猶掇之也

停審之至故乃無所

復失吾處身也若厥株拘吾執臂也若槁木之枝

不動之至○厥

本或作極同其月反株音誅拘音俱厥豎也豎若株拘也槁苦老反

雖天地之大萬物之

多而唯蜩翼之知吾不反不側不以萬物易蜩之翼何



為而不得

遺彼故得此

孔子顧謂弟子曰用志不分乃凝於

神其病僂丈人之謂乎顏淵問仲尼曰吾嘗濟乎觴深

之淵津人操舟若神吾問焉曰操舟可學邪曰可善游

者數能

言物雖有性亦須數習而後能耳

若乃夫没人則未嘗見舟而

便操之也

没人謂能驚沒於水底

吾問焉而不吾告敢問何謂也

仲尼曰善游者數能忘水也

習以成性遂若自然

若乃夫没人之

未嘗見舟而便操之也彼視淵若陵視舟之覆猶其車

却也

視淵若陵故視舟之覆於淵猶車之却退於坂也

覆却萬方陳乎前而不

得入其舍

覆却雖多而猶不以經懷以其性便故也

惡往而不暇

所遇皆閒暇也以

凡注者巧以鈎注者憚以黃金注者殯

所要愈重則其心愈殯也○注

之樹反擊也憚音丹忌惡也一曰難也殯音

昏說文云殯殯也補注射也射而賭物曰注其巧一也

而有所矜則重外也凡外重者內拙

夫欲養生全內者其唯無所矜重也

田開之見周威公威公曰吾聞祝腎學生

學生者務中適吾子

與祝腎遊亦何聞焉田開之曰開之操拔篲以侍門庭

亦何聞於夫子威公曰田子無讓寡人願聞之開之曰

間之夫子曰善養生者若牧羊然視其後者而鞭之威

公曰何謂也田開之曰魯有單豹者岩居而水飲不與民共利行年七十而猶有嬰兒之色不幸遇餓虎餓虎殺而食之有張毅者高門縣薄無不走也行年四十而有內熱之病以死豹養其內而虎食其外毅養其外而

病攻其內此二子者皆不鞭其後者也

夫守一方之事至於過理者不

及於會通之適也鞭其後者去不及也○縣音玄薄簾也走至也言無不至門奉貴富也補走趨走也惟薄之外不趨而猶必走恭之至也仲尼曰無入而藏

藏既內矣而又

入之此過於人也

無出而陽

陽既外矣而又出之此過於出也

柴立其中央

若槁

木之無心而中適是立也

三者若得其名必極

名極而實當也

夫畏塗者十

殺一人則父子兄弟相戒也必盛卒徒而後敢出焉不

亦知乎人之所取畏者衽席之上飲食之間而不知為

之戒者過也

十殺一耳便大畏之至於色欲之害動皆之死地而莫不冒之斯過之甚也

祝

宗人玄端以臨牢筴說彘曰汝奚惡死吾將三月撻汝

十日戒三日齋藉白茅加汝肩尻乎彫俎之上則汝為

之乎為彘謀曰不如食以糠糲而錯之牢筴之中自為

謀則苟生有軒冕之尊死得於豚楯之上聚儻之中則

為之為彘謀則去之自為謀則取之所異彘者何也

瞻欲

則身亡理常俱耳不問人獸也。○筴初華反牢豕室也木欄也。據音忠養也。尻苦羔反。楮食準反。豚猶篆也。楮猶案也。僂力主反。聚僂器名也。今塚壙中注為之一云聚僂棺槨也。一云聚當作藪才官反。僂當作藪力久反。謂殯於藪塗之中。桓公田於澤管仲御見鬼焉公撫管仲之

手曰仲父何見對曰臣無所見公反諛詒為疾數日不出齊士有皇子告敖者曰公則自傷鬼惡能傷公夫忿瀟之氣散而不反則為不足上而不下則使人善怒下而不上則使人善忘不上不下中身當心則為病桓公

曰然則有鬼乎曰有沈有履竈有髻戶內之煩壤雷霆處之東北方之下者倍阿魼魼躍之西北方之下者則洸陽處之水有罔象丘有萃山有夔野有彷徨澤有委蛇公曰請問委蛇之狀何如皇子曰委蛇其大如轂其長如轅紫衣而朱冠其為物也惡聞雷車之聲則捧其首而立見之者殆乎霸桓公驟然而笑曰此寡人之所見者也於是正衣冠與之坐不終日而不知病之去也

此章言憂來而累生者不明也患去而生得者達理也  
○談音哀詒音臺詒失魂魄也皇子告教皇姓告教

字齊之賢士也。潘敕六反。沈水汙也。漏神名。竈有髣音結。竈神著赤衣狀如美女。鮭戶蝸反。蟹音聾。倍阿神名也。鮭蟹狀如小兒長一尺四寸。黑衣赤幘。大冠帶劍持戟。洪音逸。洪陽豹頭馬尾作狗頭。一云神名也。罔象本作無傷云。狀如小兒赤黑色赤爪大耳長臂。一云水神名。萃本又作萃。所巾反。又音臻。狀如狗有角。文身五采。變求龜反。狀如鼓而一足。方音傍。本亦作狢。同皇紀。渚本亦作狢。同狢。狢狀如蛟兩頭五采。文委於危反。

子為王養鬬雞十日而問雞已乎曰未也方虛憍而恃氣十日又問曰未也猶應嚮景十日又問曰未也猶疾視而盛氣十日又問曰幾矣雞雖有鳴者已無變矣望之似木雞矣其德全矣異雞無敢應者反走矣

此章言養之以

至於全者猶無敵於外况自全乎。王齊王也。虛憍居喬反。高仰頭也。應應對之。應下同。嚮許文反。本亦作響。景於領反。應。孔子觀於呂梁縣水三十仞。流沫四十里。響鳴。顧景行。

鼃鼃魚鱉之所不能游也。見一丈夫游之以為有苦而欲死也。使弟子並流而拯之。數百步而出。被髮行歌而游於塘下。孔子從而問焉。曰。吾以子為鬼。察子則人也。請問蹈水有道乎。曰。亡吾無道。吾始乎故。長乎性。成乎

命。與齊俱入。與汨偕出。

磨翁而旋入者。齊也。回伏而湧出者。汨也。○呂梁。今西河離石。

西有此縣。絕世謂之黃梁。淮南子曰。古者龍門未從水。鑿河出孟門之上也。齊回水如磨。齊也。汨。胡忽反。



之道而不為私焉

任水而不任己

此吾所以蹈之也孔子曰何

謂始乎故長乎性成乎命曰吾生於陵而安於陵故也

長於水而安於水性也不知吾所以然而然命也

此章言人

有偏能得而任之則天下無難矣用夫無難以涉乎生生之道何性而不通也

梓慶削木為鐻

鐻成見者驚猶鬼神

不似人所作也○梓慶魯大匠也梓官名慶其名也鐻音據樂器也

似夾

魯侯見而問焉曰子何術以為焉對曰臣工人何

術之有雖然有一焉臣將為鐻未嘗敢以耗氣也必齊以靜心齊三日而不敢懷慶賞爵祿齊五日不敢懷非

譽巧拙齊七日輒然忘吾有四枝形體也當是時也無

公朝

視公朝若無則  
跋慕之心絕矣

其巧專而外滑消

性外之  
事去也

然後入

山林觀天性形軀至矣然後成見鑠然後加手焉不然

則已

必取材中者也○見  
賢適反中丁仲反

則以天合天

不離其  
自然也

器之所

以疑神者其是與

蓋因物之妙故乃  
疑是鬼神所作耳

東野稷以御見莊

公進退中繩左右旋中規莊公以為文弗過也使之鉤

百而反顏闔遇之入見曰稷之馬將敗公密而不應少

馬果敗而反公曰子何以知之曰其馬力竭矣而猶求

焉故曰敗

野斯明至當之不可過也。東野稷孫卿作東

也使之鈞百而反稷自矜其能圓而驅之如鈞復迹百反而不知止

工倕旋而蓋規矩指

與物化而不以心稽故其靈臺一而不桎

雖工倕之巧猶任規矩此

言因物之易也。倕音垂云工倕克時巧人也旋圓也

留也是與物化之不以心稽忘足履之適也忘要帶之適

也百體皆適則知忘是非心之適也不內變

不外從事會之適也

所遇而安故無所變從也

始乎適而未嘗不適

者忘適之適也

識通者猶未適也

有孫休者踵門而詫子扁慶

子曰休居鄉不見謂不脩臨難不見謂不勇然而田原  
不遇歲事君不遇世賓於鄉里逐於州部則胡罪乎天  
哉休惡遇此命也扁子曰子獨不聞夫至人之自行耶  
忘其肝膽遺其耳目

闇付自然也。詭救駕反告也。

芒然彷徨乎塵垢

之外

凡非真性皆塵垢也

逍遙乎無事之業

凡自為者皆無事之業也

是謂為

而不恃

率性自為耳非恃而為之

長而不宰

任其自長耳非宰而長之

今汝飾知

以驚愚脩身以明汙昭昭乎若揭日月而行也汝得全  
而形軀具而九竅無中道夭於聾盲跛蹇而比於人數

亦幸矣又何暇乎天之怨哉子往矣孫子出扁子入坐  
有間仰天而歎弟子問曰先生何為歎乎扁子曰向者  
休來吾告之以至人之德吾恐其驚而遂至於惑也弟  
子曰不然孫子之所言是耶先生之所言非耶非固不  
能感是孫子所言非耶先生所言是耶彼固惑而來矣  
又奚罪焉扁子曰不然昔者有鳥止於魯郊魯君說之  
為具太牢以饗之奏九韶以樂之鳥乃始憂悲眩視不  
敢飲食此之謂以已養養鳥也若夫以鳥養養鳥者宜

棲之深林浮之江湖食之以委蛇則平陸而已矣

各有所便

也。委蛇泥鰌

今休歎啓寡聞之民也吾告以至人之德譬之

若載麗以車馬樂鵠以鐘鼓也彼又惡能無驚乎哉

此章言善

養生者各任性分之適而至矣。歎空也啓聞也如空之開所見小也鵠音晏

### 山木第二十

莊子行於山中見大木枝葉盛茂伐木者止其旁而不取也問其故曰無所可用莊子曰此木以不材得終其天年夫子出於山舍於故人之家故人喜命豎子殺鴈

而烹之豎子請曰其一能鳴其一不能鳴請奚殺主人  
曰殺不能鳴者明日弟子問於莊子曰昨日山中之木  
以不材得終其天年今主人之鴈以不材死先生將何  
處莊子笑曰周將處夫材與不材之間材與不材之間  
似之而非也故未免乎累

設將處此耳以此未免於累竟不處

若夫乘道

德而浮遊則不然無譽無訾一龍一蛇與時俱化而無  
肯專為一上一下以和為量浮遊乎萬物之祖物物而  
不物於物則胡可得而累耶此神農黃帝之法則也

故莊

子亦處焉

若夫萬物之情人倫之傳則不然合則離成則毀

廉則挫尊則議有為則虧賢則謀不肖則欺胡可得而

必乎哉悲夫弟子志之其唯道德之鄉乎

不可以必故待之不可以一

方也唯與時俱化者為能涉變而常通耳。傳直專反事願可傳行也

市南宜僚見魯侯魯

侯有憂色市南子曰君有憂色何也魯侯曰吾學先王之

道脩先君之業吾敬鬼尊賢親而行之無須臾離居然

不免於患吾是以憂市南子曰君之除患之術淺矣

其有

身矜其國故雖憂懷萬端尊賢尚行而患慮愈深者矣。市南宜僚熊宜僚也居市南因為號也

夫豐



狐文豹棲於山林伏於巖穴靜也夜行晝居戒也雖飢渴隱約猶且胥疏於江湖之上而求食焉定也然且不免於罔羅機辟之患是何罪之有哉其皮為之灾也今魯國獨非君之皮耶吾願君剝形去皮洒心去欲而遊

於無人之野

欲令無其身忘其國而任其自化也○豐大也胥相疏草謂相望疏草也補相視疏遠無

人之處

南越有邑焉名為建德之國

寄之南越取其去魯之遠也

其民

愚而朴少私而寡欲知作而不知藏與而不求其報不知義之所適不知禮之所將猖狂妄行乃蹈乎大方

各

其本步而人自蹈其方則萬方得矣不亦大乎

其生可樂其死可葬

言可終始處之

吾願君去國捐俗與道相輔而行

所謂去國捐俗謂蕩除其習中也

君

曰彼其道遠而險又有江山我無舟車奈何

真謂欲使之南越

市南子曰君無形倨

形倨躡礙之謂

無留居

留居滯守之謂○無留居無留安居

以為君車

形與物夷心與物化斯寄物以自載也

君曰彼其道幽遠而無

人吾誰與為鄰吾無糧我無食安得而至焉市南子曰

少君之費寡君之欲雖無糧而乃足

所謂知足則無所不足也

君其

涉於江而浮於海望之而不見其崖愈往而不知其所

窮

絕情欲之遠也

送君者皆自崖而反

君欲絕則民各反守其分

君自此遠

矣

超然獨立於萬物之上也

故有人者累

有人者有之以為己私也

見有於人者

憂

見有於人者為人所役用也

故堯非有人非見有於人也

雖有天

之百官委之萬物而不與焉斯非有人也因民任物而不役已斯非見有于人也

吾願去君之

累除君之憂而獨與道遊於大莫之國

欲令蕩然無有國之懷○莫無

也

方舟而濟於河有虛舩來觸舟雖有偏心之人不怒

有一人在其上則呼張歛之一呼而不聞再呼而不聞

於是三呼邪則必以惡聲隨之向也不怒而今也怒向

也虛而今也實人能虛已以遊世其孰能害之

世雖變其於虛

已以免害一也。方並也。

北宮奢為衛靈公賦斂以為鐘為壇乎郭

門之外三月而成上下之縣王子慶忌見而問焉曰子

何術之設奢曰一之間無敢設也

澹然抱一耳非敢假設以益事也。壇祭

地縣音玄怪其簡速故問之

奢聞之既雕既琢復歸於朴

還用其侗本性也

乎其無識

任其純朴而已

儻乎其怠疑

無所趣也

萃乎芒乎其送往

而迎來

無所欣說

來者勿禁往者勿止

任彼也

從其彊梁

順乎衆也

○彊梁多力也隨其曲傳

無所像也。謂曲附已者隨之也

因其自窮

用其不得

故朝夕賦斂而毫末不挫

當故無損

而況有大塗者乎

秦然無執用天

下之自為斯大通之塗也故曰經之營之不日成之

孔子圍於陳蔡之間七日不

火食太公任往弔之曰子幾死乎曰然子惡死乎曰然

自同

於好惡耳聖人無好惡也

任曰子嘗言不死之道東海有鳥焉名曰

意怠其為鳥也跔跔蹢蹢而似無能引援而飛迫脅而

棲

既弘大舒緩又心無常條○跔音分蹢音秩

進不敢為前退不敢為後

從常

容處中

食不敢先嘗必取其緒

其於隨物而已緒次緒也

是故其行

列不斥

與羣俱也○行戶剛反下亂行

而外人卒不得害是以免於患

患害生於役知以奔  
兢。卒子恤反終也

直木先伐甘井先竭

才之害也

子其意

者飾知以驚愚脩身以明汙昭昭乎如揭日月而行故

不免也

夫察焉小異則與衆為忤矣混然大同則無獨異於世矣故夫昭昭者乃冥冥之迹也將寄言

以遺迹故因陳蔡以託患

昔吾聞之大成之人曰自伐者無功功成

者墮名成者虧

特功名以為已成者未之嘗全。墮許規反

孰能去功與名

而還與衆人

功自衆成故還之

道流而不明

昧然而自行耳

居得行而

不名處

彼皆居然自得此行耳非由名而後處之

純純常常乃比於狂

無心而動

故削迹捐勢不為功名

功自彼成故勢不在我而名迹皆去

是故無責於

人人亦無責焉

恣情任彼故彼各自當其責也

至人不聞子何喜哉

澹

無懷乃至人也

孔子曰善哉辭其交遊去其弟子逃於大澤衣

裘褐食杼粟

取於棄人間之好也

入獸不亂羣入鳥不亂行

若草木之

無心故為禽獸所不畏

鳥獸不惡而況人乎

蓋寄言以極推至誠之信任乎物而無受

害之地也

孔子問子桑雽曰吾再逐於魯伐樹於宋削迹於

衛窮於商周圍於陳蔡之間吾犯此數患親交益疏徒

友益散何與子桑雽曰子獨不聞假人之亡與林回棄

千金之璧負赤子而趨或曰為其布與赤子之布寡矣

布謂匹帛也。○零音戶。布謂貨財也。

為其累與赤子之累多矣。棄千金之

壁負赤子而趨何也。林回曰：彼以利合，此以天屬也。夫

以利合者，迫窮禍患相棄也；以天屬者，迫窮禍患害

相收也。夫相收之與相棄，亦遠矣。且君子之交淡若水，

小人之交甘若醴。君子淡以親，小人甘以絕。

道合故親

飾利故甘

利不可常彼無故以合者，則無故以離。

夫無故而自合者，天屬也。合不

由故則故不足，以離之也。然則有故而合，必有故而離矣。

孔子曰：敬聞命矣。徐行翔

佯而歸，絕學捐書。弟子無挹於前，其愛益加進。

去飾任素故也



異日桑扈又曰舜之將死真冷禹曰汝戒之哉形莫若

緣情莫若率

因形率情不矯之以利也。冷音零。冷曉也。謂以真道曉語禹也。冷或為命。又作令。

命猶教也。緣則不離率則不勞

形不假故常全情不矯故常逸

不離不勞則

不求文以待形

任朴而直前也

不求文以待形固不待物

朴素而足

莊子衣大布而補之正縻係屨而過魏王魏王曰何先生之憊耶莊子曰貧也非憊也士有道德不能行憊也衣敝屨穿貧也非憊也此所謂非遭時也王獨不見夫騰猿乎其得柟梓豫章也攬蔓其枝而王長其間雖羿

逢蒙不能眇眦也

遭時得地則升其長枝故雖古之善射莫之能害大布粗布也原賢節反

帶也係屨屨穿故係眇一作眇眇音詣邪視也僊薄計反枹音南木名攬舊歷散反蔓音萬郭武丰反王往況

反兩枝相去長遠

及其得柘棘枳枸之間也危行側視振動悼

慄此筋骨非有加速而不柔也處勢不便未足以逞其

能也今處昏上亂相之間而欲無僊奚可得耶此比于

之見剖心徵也夫

勢不便而強為之則又戰矣。○柘章夜反枸音矩

孔子窮於

陳蔡之間七日不火食左據槁木右擊槁枝而歌焱氏

之風有其具而無其數有其聲而無宮角木聲與人聲

犁然有當於人之心顏回端拱還目而窺之仲尼恐其

廣已而造大也愛已而造哀也曰回無受天損易

唯安之故

易○姦必遙反造通也易以鼓反

無受人益難

物之倘來不可禁禦

無始而非卒

也

始於今為始者於昨為卒則所謂

人與天一也

皆自然

夫

今之歌者其誰乎

任其自爾則歌者非我也

回曰敢問無受天損易

仲尼曰飢渴寒暑窮極不行天地之行也運物之泄也

不可逃也

言與之偕逝之謂也

所謂不識不知而順帝之則也○言我也

為人臣

者不敢去之執臣之道猶若是而況乎所以待天乎

所在

皆安不以損為損斯何謂無受人益難仲尼曰始用四

達

感應旁通為四達

爵祿並至而不窮

旁通故可以御高大也

物之所利

乃非已也

非已求而取之

吾命有在外者也

人之生必外有接物之命非如瓦石

止於形質而已

君子不為盜賢人不為竊吾若取之何哉

盜竊者私

取之謂也今賢人君子之致爵祿非私取之受之而已

故曰鳥莫知於鷦鷯目之

所不宜處不給視雖落其實棄之而走

避禍之速。知音智鷦音意鷯

音而或云鷽鷽燕也目之所不宜處昌呂反言不可止處目已羅絡知之故棄之也

其畏人也而

襲諸人間

未有自疏外於人而人存之者也畏人而入於人間此鳥之所以稱知也矣

社稷

存焉爾

況之至人則玄同天下故天下樂推而不厭相與社而稷之斯無受人益之所以為難也

何

謂無始而非卒仲尼曰化其萬物而不知其禪之者

莫覺

其變○禪市戰反授予也

焉知其所終焉知其所始正而待之而已耳

日夜相代未始有極故正而待之無所為懷也○焉於度反下同

何謂人與天一耶仲

尼曰有人天也有天亦天也

凡所謂天皆明不為而自然

人之不能

有天性也

言自然則自然矣人安能故有此自然哉自然耳故曰性

聖人晏然體逝

而終矣

晏然無矜而體與變俱也

莊周遊乎雕陵之樊覩一異鵲自

南方來者翼廣七尺目大運寸感周之穎而集於栗林

莊周曰此何鳥哉翼殷不逝目大不覩蹇裳躩步執彈

而留之覩一蟬方得美蔭而忘其身螳螂執翳而搏之

見得而忘其形

執木葉以自翳於蟬而忘其形之見手異鵲也。運寸可回一寸也感觸也翼

殷不逝目大不覩殷大也留力救反宿留伺其便也

異鵲從而利之見利而忘其

真

目能視翼能逝此鳥之真性也今見利故忘之。真身也

莊周怵然曰噫物固相

累

相為利者恒相為累

二類相名也

夫有欲於物者物亦有欲之

捐彈而反走

虞人逐而誅之

誅問之也以周為盜栗也

莊周反入三月不庭蘭且

從而問之夫子何為頃間甚不庭乎莊周曰吾守形而

忘身

夫身在人間世有夷險若推夷易之形於此世而不度此世之所宜斯守形而忘身者也三月不庭

不出坐庭中三月簡力信反且子餘反簡且莊子弟子

觀於濁水而迷於清淵

見彼

而不明即因彼以自見幾忘反鑒之道也

且吾聞諸夫子曰入其俗從其俗

不違其禁令也

今吾遊於雕陵而忘吾身異鵲感吾顙遊於栗

林而忘真栗林虞人以吾為戮吾所以不庭也

以見問為戮夫

莊子推平於天下故每寄言以出奇乃毀仲尼賤老聃上悟擊乎三皇下痛病其一身也陽子之宋

宿於逆旅逆旅人有妾二人其一人美其一人惡惡者

貴而美者賤陽子問其故逆旅小子對曰其美者自美

吾不知其美也其惡者自惡吾不知其惡也陽子曰弟子記之行賢而去自賢之行安往而不愛哉

言自賢之道無時而

可○陽子陽朱也

### 田子方第二十一

田子方侍坐於魏文侯數稱谿工文侯曰谿工子之師耶子方曰非也無擇之里人也稱道數當故無擇稱之文侯曰然則子無師耶子方曰有曰子之師誰耶子方曰東郭順子文侯曰然則夫子何故未嘗稱之子方曰



其為人也真

無假也。田子方魏文侯師也。名無擇。谿上賢人也。

人貌而天

雖貌與人

同而獨任自然

虛緣而葆真

虛而順物。故真不失。

清而容物

夫清者患於太潔。今清而

天同也。容物與

物無道正容以悟之。使人之意也消

曠然清虛正已而已。

而物邪。自消

無擇何足以稱之。子方出。文侯儻然終日不言。

召前立臣而語之曰：遠矣！全德之君子始吾以聖知之。

言仁義之行為至矣。吾聞子方之師。吾形解而不欲動。

口鉗而不欲言。

自覺其近。

吾所學者真土梗耳。

非真物也。土梗土人也。

遭雨則壞。夫魏真為我累耳。

知至貴者以人爵為累也。

溫伯雪子適齊舍。

於魯魯人有請見之者溫伯雪子曰不可吾聞中國之君子明乎禮義而陋於知人心吾不欲見也至於齊反舍於魯是人也又請見溫伯雪子曰往也蘄見我今也又蘄見我是必有以振我也出而見客入而歎明日見客又入而歎其僕曰每見之客也必入而歎何耶曰吾固告子矣中國之民明乎禮義而陋於知人心昔之見我者進退一成規一成矩從容一若龍一若虎

樂辟其步趨蛇

其其諫我也似子其道我也似父

禮義之弊有斯飾也。道音導

是以

歎也仲尼見之而不言

已知其心矣

子路曰吾子欲見溫伯

雪子久矣見之而不言何耶仲尼曰若夫人者目擊而

道存矣亦不可以容聲矣

目裁往意已達無所容其德音也擊動也

顏淵問

於仲尼曰夫子步亦步夫子趨亦趨夫子馳亦馳夫子

奔逸絕塵而回瞠若乎後矣夫子曰回何謂耶曰夫子

步亦步也夫子言亦言也夫子趨亦趨也夫子辯亦辯

也夫子馳亦馳也夫子言道回亦言道也及奔逸絕塵

而回瞠若乎後者夫子不言而信不比而周無器而民

蹈乎前而不知所以然而已矣仲尼曰惡可不察與夫

哀莫大於心死而人死亦次之

夫心以死為死乃更速其死其死之速由哀以

自喪也無哀則已有哀則心死者乃哀之大也

日出東方而入於西極萬物莫

不比方

皆可見也

有目有趾者待是而後成功

目成見功足成行功也

是出則存是入則亡

直以不見為亡耳竟不亡

萬物亦然有待也而

死有待也而生

待隱謂之死待顯謂之生竟無死生也

吾一受其成形而

不化以待盡

夫有不得變而為無故一受成形則化盡無期也

效物而動

自無心也

日夜無隙

恒化新也

而不知其所終

不以死為死也

薰然其成形

然薰

自成又知命不能規乎其前丘以是日徂不係於前與

奚為哉徂。徂。身與女交一臂而失之可不哀與夫變化

病也而留也故雖執臂相守而不能令停若哀死者則女殆此亦可哀也今人未嘗以此為哀奚獨哀死耶

著乎吾所以著也彼已盡矣而女求之以為有是求馬

於唐肆也唐肆非停馬處也言求向者之有不可復得也人之生若馬之過肆耳恒無駐須臾新故

之相續不舍晝夜也著見也言女殆見吾所以見者耳

吾所以見者日新也故已盡矣安得有之○著音張慮

反又一音張畧反吾所以著者外化也女殆庶於此耳

吾一不化者則非女所及也是求馬於唐肆也唐肆非

停馬處也又吾服女也甚忘服者思存之謂也甚忘謂

云唐停也過去之速也言女去忽然

欽定四庫全書

莊子注

三

思之恒欲不及女服吾也亦甚忘俱爾耳不問賢之雖然女奚

患焉雖忘乎故吾吾有不忘者存不忘者存謂繼之以

新吾已至未始非吾吾何患焉故孔子見老聃老聃新

沐方將被髮而乾憇然似非人寂澹之至○憇乃牒反

孔子便而待之少焉見曰丘也眩與其信然與向者先

生形體掘若槁木似遺物離人而立於獨也無其心身而後外物

去也○與音餘下同老聃曰吾遊於物之初初未有而

掘音屈槁苦老反於物初然後明有物孔子曰何謂邪曰心困焉而不能

知口辟焉而不能言

欲令仲尼必求之於言意之表也。辟必亦反辟卷不開也。當

為女議乎其將

試議陰陽以擬向之無形耳。未之敢必。為于偽反。

至陰肅肅至

陽赫赫肅肅出乎天赫赫發乎地

言其交也。

兩者交通成和

而物生焉或為之紀而莫見其形

莫見為紀之形明其自爾。

消息滿

虛一晦一明日改月化日有所為

未嘗守故。

而莫見其功

自爾。

故無功。

生有所乎萌

萌於未聚也。

死有所乎歸

歸於散也。

始終相反

乎無端而莫知乎其所窮

所謂迎之不見其首隨之不見其後。

非是也且

孰為之宗孔子曰請問遊是老聃曰夫得是至美至樂

也得至美而遊乎至樂謂之至人

至美無美至樂無樂故也。且如字舊于

餘反樂音洛下同

孔子曰願聞其方曰草食之獸不疾易藪水

生之蟲不疾易淵行小變而不失其大常也

死生亦小變也

怒哀樂不入於胷次

知其小變而不失大常故也。次中也

夫天下也者

萬物之所一也得其所一而同焉則四肢百體將為塵

垢而死生終始將為晝夜而莫之能滑而况得喪禍福

之所介乎

愈不足患

棄隸者若棄泥塗知身貴於隸也

知身之貴

于隸故棄之若遺土耳苟知死生之變所在皆我則貴者常在也

貴在於我而不失於



變

所責者我也而我與變俱故無失也

且萬化而未始有極也夫孰足以

患心已為道者解乎此

所謂縣解

孔子曰夫子德配天地而

猶假至言以修心古之君子孰能脫焉老聃曰不然夫

水之於汊也無為而才自然矣至人之於德也不修而

物不能離焉若天之自高地之自厚日月之自明夫何

修焉

不修不為而自得也。汊音灼取也。

孔子出以告顏回曰丘之於道

也其猶醯雞與

醯雞者甕中之蠅蠅也。許西反若酒上蠅蠅也。

微夫子之發

吾覆也吾不知天地之大全也

比吾全於老聃猶甕中之與天地矣

莊子

見魯哀公哀公曰魯多儒士少為先生方者莊子曰魯少儒哀公曰舉魯國而儒服何謂少乎莊子曰周聞之儒者冠園冠者知天時履方履者知地形緩佩玦者事至而斷君子有其道者未必為其服也為其服者未必知其道也公固以為不然何不號於國中曰無此道而為此服者其罪死於是哀公號之五日而魯國無敢儒服者獨有一丈夫儒服而立乎公門公即召而問以國事千轉萬變而不窮莊子曰以魯國而儒者一人耳可

謂多乎

德元於內者  
不修飾於外

百里奚爵祿不入於心故飯牛而

牛肥使秦穆公忘其賤與之政也有虞氏死生不入於

心故足以動人

內自得者外事全也○飯煩晚  
反忘其賤謂忘其飯牛之賤也

宋元君

將畫圖衆史皆至受揖而立舐筆和墨在外者半有一

史後至者儻儻然不趨受揖不立因之舍公使人視之

則解衣般礴羸君曰可矣是真畫者也

內足者神閒而  
意定○受揖而

立受命揖而立也儻吐但反般字又作槃  
礴謂箕坐也羸本又作羸同力果反將畫故解衣見形

文王觀於臧見一丈人釣而其釣莫釣

脚以卒歲○非  
臧地名也

持其釣有釣者也

竟無所求

常釣也

不以得失經意其於假釣而已

文王欲

舉而授之政而恐大臣父兄之弗安也欲終而釋之而不忍百姓之無天也於是旦而屬之夫夫曰昔者寡人夢見良人黑色而頰乘駁馬而偏朱蹄號曰寓而政於臧丈人庶幾乎民有瘳乎諸大夫蹙然曰先君王也文王曰然則卜之諸大夫曰先君之命王其無它又何卜焉遂迎臧丈人而授之政典法無更偏令無出三年文王觀於國則列士壞植散羣長官者不成德鈇斛不敢

入於四境列士壞植散羣則尚同也

所謂和其光同其塵。大夫大夫也。

一云大夫古讀為大夫無它無違命壞音懷下同植行列也散羣言不養徒衆也一云植者疆界頭造屋以待

諫者也長丁文反下同不成德不利功名也缺音庚補屬之大夫古本作夫大夫一大也泰山石始皇文曰御

史大夫蓋篆字夫與大同見文選六解四斗曰缺長官者不成德則同務也

自成則與衆務異也缺斛不敢入於四境則諸侯無二心也

天下相信

故能同律度量衡也文王於是焉以為太師北面而問曰政可以

及天下乎臧丈人昧然而不應泛然而辭朝令而夜遁

終身無聞

為功者非已故功成而身不得不退事遂而名不得不去名去身退乃可以及天下也

大音 顏淵問於仲尼曰文王其猶未耶又何以夢為乎

仲尼曰默女無言夫文王盡之也任諸大夫而不而又

何論刺焉彼直以循斯須也斯須者百姓之情當悟未悟之頃故文王循而發之以合

其大列御寇為伯昏無人射引之盈貫盈貫謂溢滿也為于為反貫

古亂反 措杯水其肘上左手如柜右手如附枝右手放發而左手不知故可措之杯水

也。措七故 發之適矢復沓夫去也箭適去復軟沓也適丁歷反復扶又反

方矢復寓箭方去未至的已復寄杯於肘上言其捷敏之妙也當是時猶象人也

不動 伯昏無人曰是射之射非不射之射也嘗與女登

高山履危石臨百仞之淵若能射乎於是無人遂登高  
山履危石臨百仞之淵背逡巡足二分垂在外揖御寇  
而進之御寇伏地汗流至踵伯昏無人曰夫至人者上

闚青天天下潛黃泉揮斥八極神氣不變

揮斥猶縱放德充於內則神滿

於外無遠近幽深所在皆明故審安危之幾澹然自得也

今汝怵然有恂目之志爾

於中也殆矣夫

不能明至分故有懼有懼而所喪多矣豈唯射乎○恂救律反恂又作胸音荀

爾雅云恂慄也目之志恂謂眩也欲以眩悅人之目故恂也中丁仲反又如字中精神也喪息浪反後章同

肩吾問於孫叔敖曰子三為令尹而不榮華三去之而

無憂色吾始也疑子今視子之鼻間栩栩然子之用心獨奈何孫叔敖曰吾何以過人哉吾以其來不可却也其去不可止也吾以為得失之非我也而無憂色而已

矣我何以過人哉且不知其在彼乎其在我乎其在彼

耶亡乎我在我耶亡乎彼

曠然無係玄同彼我則在彼非獨亡在我非獨存也○相

況南反

方將躊躇方將四顧何暇知乎人貴人賤哉

躊躇四顧

謂無可無不可躊躇直留反踏直於反

仲尼聞之曰古之真人知者不得說

美人不得濫盜人不得刳伏戲黃帝不得友

伏戲黃帝者功號耳



非所以功者也故況功競於所以功相去遠矣故其名  
不足以及於人也○刻居業反元嘉本作却戲音義

死生亦大矣而無變乎已況爵祿乎若然者其神經乎

大山而無介入乎淵泉而不濡處卑細而不憊充滿天

地既以與人已愈有

割肌膚以為天下者彼我俱失也使人人自得於已者與人而不損

於已也其神明充滿天地故所在皆可所在皆可故不損已為物而放於自得之地也○介音界憊皮拜反

楚王與凡君坐少焉楚王左右曰凡亡者三

言有三亡微也○凡

國名在汲郡共縣案左傳凡周公之後也隱七年天王使凡伯來聘俗本此後有孔子窮於陳蔡及孔子謂顏回二章與讓王篇同衆家並於讓王篇音之檢此

二章無郭註似如重出古本皆無謂無者是也

凡君

曰凡之亡也不足以喪吾存

遺凡故也

夫凡之亡不足以喪

吾存則楚之存不足以存存

夫遺之者不以亡為亡則存亦不足以為存矣曠然

無矜乃常存也

由是觀之則凡未始亡而楚未始存也

存亡更在於心

之所措耳天

下竟無存亡

### 知北遊第二十二

知北遊於玄水之上登隱弇之丘而適遭無為謂焉知

謂無為謂曰予欲有問乎若何思何慮則知道何處何

服則安道何從何道則得道三問而無為謂不答也非

不答不知答也知不得問反於白水之南登狐闕之上  
而睹狂屈焉知以之言也問乎狂屈曰唉予知之將語  
若中欲言而忘其所欲言知不得問反於帝宮見黃帝  
而問焉黃帝曰無思無慮始知道無處無服始安道無  
從無道始得道知問黃帝曰我與若知之彼與彼不知  
也其孰是耶黃帝曰彼無為謂真是也狂屈似之我與  
汝終不近也夫知者不言言者不知故聖人行不言之  
教

教

任其自行斯不言之教也。○并音紛唉哀在反。

道不可致

道在自然非可言致者也

德不

可至

不失德故稱德而不至也

仁可為也義可虧也禮相偽也故

曰失道而後德失德而後仁失仁而後義失義而後禮

禮者道之華而亂之首也

禮有常則故矯效之所由生也

故曰為道者

日損

損華偽也

損之又損之以至於無為而無不為也

華去而朴全則雖為而非為也

今已為物也

物失其所故有為物

欲復歸根不亦

難乎其易也其唯大人乎

其歸根之易者唯大人耳大人體合變化故化物不難

易以鼓反

生也死之徒

知變化之道者不以為易

死也生之始孰知其紀

更相為始則未知孰死孰生也

人之生氣之聚也聚則為生散則為死

俱是聚也  
俱是散也

若死生為徒吾又何患

患生於異

故萬物一也是

其所美者為神奇其所惡者為臭腐臭腐復化為神奇

神奇復化為臭腐故曰通天下一氣耳

各以所美為神奇所惡為臭腐

耳然彼之所美我之所惡也我之所美彼或惡之故通共神奇通共臭腐耳死生彼我豈殊哉聖人故

貴一知謂黃帝曰吾問無為謂無為謂不應我非不我

應不知應我也吾問狂屈狂屈中欲告我而不我告非

不我告中欲告而忘之也今予問乎若若知之奚故不

近黃帝曰彼其真是也以其不知也此其似之也以其

忘之也予與若終不近也以其知之也狂屈聞之以黃

帝為知言

明夫自然者非言知之所得故當時乎無言之地是以先舉不言之標而后寄明於黃帝

則夫自然之冥物槩乎可得而見也

天地有大美而不言四時有明法而

不議萬物有成理而不說

此孔子之所以云予欲無聖言○大美謂覆載之美也

人者原天地之美而達萬物之理是故至人無為

任其自為

而大聖不作

唯因任也

觀於天地之謂也

觀其形容象其物宜與天地不異

今彼神明至精與彼百化

百物自化而神明不奪

物已死生方圓

莫知其根也

大元者已自死生者已自生圓者已自圓方者已自方未有為其根者故莫知

然而萬物自古以固存

○豈待為之而后存焉  
○偏音偏又音幡

六合為巨

未離其內

計六合在無極之中則陋矣  
○力智反其內謂不能出百化也

離秋毫為小

待之成體

秋豪雖小非無  
亦無以容其質

天下莫不沈浮終身不故

新日

也陰陽四時運行各得其序

不待惛然若亡而存  
為之

昭然若存

則亡矣  
惛音昏油然不形而神

挈然有形則不神  
音由謂無所給措也

萬物

畜而不知此之謂本根

畜之而不得其本性之根故不  
知其所以畜也  
○畜同勑六反

可以觀於天矣

與天  
同觀

齧缺問道乎被衣被衣曰若正汝

形一汝視天和將至攝汝知一汝度神將來舍德將為

汝美道將為汝居汝瞳焉如新生之犢而無求其故言

未卒齧缺睡寐被衣大說行歌而去之曰形若槁骸心

若死灰真其實知不以故自持

與變俱也

媒媒晦晦無心而

不可與謀彼何人哉

獨化者也

舜問乎丞曰道可得而有乎

曰汝身非汝有也汝何得有夫道

夫身者非汝所能有也塊然而自有耳身

非汝所有而況道哉○舜師也云古有四輔前疑后丞蓋官名

一舜曰吾身非吾有也

孰有之哉曰是天地之委形也生非汝有是天地之委

和也性命非汝有是天地之委順也

若身是汝有者則美惡死生當制之



由汝今氣聚而生汝不能禁也氣散而死汝不能  
止也明其委結而自成耳非汝有也○委積也  
孫子

非汝有是天地之委蛻也

氣自委結而蟬蛻也○蛻救外反

故行不知

所往處不知所持食不知所味

皆在自爾中來故不知也

天地之彊

陽氣也又胡可得而有耶

彊陽猶運動耳明斯道也庶可以遺身而忘生也孔

子問於老聃曰今日晏間敢問至道老聃曰汝齋戒疏

淪而心澡雪而精神掊擊而知夫道窅然難言哉將為

汝言其崖略夫昭昭生於冥冥有倫生於無形精神生

於道

皆所以明其獨生而無所資借

形本生於精

皆由精以至粗

而萬物以形

相生故九竅者胎生八竅者卵生

言萬物雖以形相生亦皆自然耳故胎卵

不能易種而生明神氣之不可為也

其來無迹其往無崖無門無房四達

之皇皇也

夫率自然之性遊無迹之塗者放形骸於天地之間寄精神於八方之表是以無門無房

四達皇皇逍遙六合與時偕行也

邀於此者四肢彊思慮恂達耳目聰

明其用心不勞其應物無方

人生而遇此道則天性全而精神定

天不得

不高地不得不廣日月不得不行萬物不得不昌此其

道與

言此皆不得不然而自然耳非道能使然也

且夫博之不必知辯之不

必慧聖人以斷之矣

斷棄知慧而付之自然也

若夫益之而不加益

損之而不加損者聖人之所保也

使各保其正分而已故無用知慧為也

淵淵乎其若海

容恣無量

魏魏乎其終則復始也

與化俱者乃積無窮

之紀可謂魏魏

運量萬物而不匱

用物而不役已故不匱也

則君子之道彼

其外與

身而足

萬物皆往資焉而不匱此其道與

還用物故

我不匱此明道之瞻物在於不瞻不瞻而物自得故曰此其道與言至道之無功無功乃足稱道也

中國

有人焉非陰非陽

無所偏名

處於天地之間直且為人

教然自放

所遇而安將反於宗

不逐末也

自本觀之生者啍醕物也

直聚

氣也○啍音陰醕醕於

雖有壽夭相去幾何須臾之說也

奚足以為堯桀之是非

死生猶未足殊況壽夭之間哉。幾居豈反。

果蓏有

理

物無不理但當順之。蓏力果反。

人倫雖難所以相齒

人倫有知慧之變故難也。

然其知慧自相齒耳但當從而任之。

聖人遭之而不違

順所遇也。

過之而不守

宜過而過調而應之德也偶而應之道也

調偶和合之謂也。

帝之所

興王之所起也

如斯而已。

人生天地之間若白駒之過卻忽

然而已

乃不足惜。白駒或云日也。卻去逆反本亦作隙隙孔也。

注然勃然莫不出

焉油然漻然莫不入焉

出入者變化之謂耳言天下未有不變也。漻音流。

已化

而生又化而死

俱是化也。

生物哀之

死物不哀。

人類悲之

死類不悲。

解

其天殳墮其天秦

解脫也。殳勑刀反弓衣也。墮許規反。秦陳筆反。

紛乎宛乎

變化烟燭宛於阮反

魂魄將往乃身從之乃大歸乎

無為用心於其間也不

形之形形之不形

不形形乃成若形之則敗其形矣

是人之所同知

也

雖知之然不能任其自非將至之所務也

非將至之所務也

務則不至此衆

人之所同論也

雖論之然故不能不務所以不至也

彼至則不論

悅然不覺乃至

論則不至明見無值

闇至乃值

辯不若默道不可聞聞不若

塞此之謂大得

默而塞之則無所奔逐故大得

東郭子問於莊子曰所

謂道惡乎在莊子曰無所不在東郭子曰期而後可

欲

莊子指名所在莊子曰在螻蟻曰何其下耶曰在稊稗曰何其

愈下耶曰在瓦甕曰何其愈甚耶曰在屎溺東郭子不

應莊子曰夫子之問也固不及質

舉其標質言無所不任而方復怪此斯不

及質也。稊稗二草名。

正獲之問於監市履豨也每下愈況

豨大豕也。夫監市之履豕以知其肥瘦者愈履其難肥之處愈知豕肥之要。今問道之所在而每況之於下賤

則明道之不逃於物也。必矣。○正亭卒也。獲其名也。監市又魁也。豨大豕也。履踐也。夫市魁履豕履其股脚豨

難肥處故知豕肥耳。問汝唯莫必無乎逃物。

若必謂無之逃物則

道不周矣。道而不足以為道。

至道若是大言亦然

明道不逃物

周徧咸

三者異名同實其指一也嘗相與遊乎無何有之宮同

合而論無所終窮乎

若遊有則不能周徧咸也故同合而論之然后知道無不在知道之

無不在然后能曠然無懷而遊彼無窮也

嘗相與無為乎澹而靜乎漠而清

乎調而間乎

此皆無為故也。間音閑

寥已吾志

寥然空虛

無往焉而不

知其所至

志苟寥然則無所往矣無往焉故往而不

而來不知其所止

斯順之也

吾已往來焉而不知其所終

但往

來不由於知耳不為不住來也往來者自然之常理也其有終乎

彷徨乎馮閎大知入

焉而不知其所窮

馮閎者虛廓之謂也大知遊乎廖廓悲變化之所如故不知也。馮皮永

反閏音宏虛廓之謂也

物物者與物無際

明物物者無物而物自物耳物自物耳故冥也

而物有際者所謂物際者也

物有際故每相與不能冥然真所謂際者也

不

際之際際之不際者也

不際者雖有物物之名直明物之自物耳物物者竟無物也際

其安在乎

謂盈虛衰殺彼為盈虛非盈虛彼為衰殺非衰殺

彼為本末非本末彼為積散非積散也

既明物物者無物又明物之不

能自物則為之者誰乎哉皆忽然而自爾也。殺色界反

何荷甘與神農同學於老

龍吉神農隱几闔戶晝瞑何荷甘日中參戶而入曰老

龍死矣神農隱几擁杖而起曝然放杖而笑

起而悟夫死之不足



驚故還放杖而笑也。○柯於何反荷。音河。麥音奢。闌也。曝音剝。放杖聲也。曰天知予僻陋慢

訑故棄予而死已矣。夫子無所發予之狂言而死矣夫

自肩吾以下皆以至言為狂而不信也。故非老龍連叔之徒莫足與言也。○訑音但。弇垺弇聞之

曰夫體道者天下之君子所繫焉。○言體道者人之宗主。弇音奄。垺音剛。

今於道秋毫之端萬分未得處一馬。○秋毫之端細矣。又未得其萬分之一

而猶知藏其狂言而死。又況夫體道者乎。○明夫至道非言之所得也。

唯在乎視之無形聽之無聲於人之論者謂之冥冥所自得耳。

以論道而非道也。○冥冥而猶復非道。明道之無名。於是泰清問乎無窮

曰子知道乎無窮曰吾不知又問乎無為無為曰吾知道曰子之知道亦有數乎曰有曰其數若何無為曰吾知道之可以貴可以賤可以約可以散此吾所以知道之數也泰清以之言也問乎無始曰若是則無窮之弗知與無為之知孰是而孰非乎無始曰不知深矣知之淺矣弗知內矣知之外矣於是泰清中而歎曰弗知乃知乎知乃不知乎孰知不知之知

凡得之不由  
於知乃真也

無始曰

道不可聞聞而非也道不可見見而非也道不可言言

而非也

故默成乎不聞不見之域而後至焉

知形形之不形乎

形自形耳形形者竟

無物也

道不當名

有道名而竟無物故名之不能當也

無始曰有問道而應

之者不知道也雖問道者亦未聞道

不知故問問之而應則非道也不應

則非問者所得故雖問之亦終不聞也

道無問問無應

絕學去教而歸於自然之意也

無

問問之是問窮也

所謂貴空

無應應之是無內也

實無而假有以應者

外以無內待問窮若是者外不觀乎宇宙內不知乎大

初是以不過乎崑崙不遊乎太虛

若夫婁落天地遊虛涉遠以入乎冥冥者

不應而已矣

光曜問乎無有曰夫子有乎其無有乎光

曜不得問而熟視其狀貌窅然空然終日視之而不見聽之而不聞搏之而不得也光曜曰至矣其孰能至此乎予能有無矣而未能無無也及為無有矣何從至此

哉

此皆絕學之意也於道絕之則大學者乃在根本中來矣故學之善者其唯不學乎。音烏了反搏音博

大馬之捶鉤者年八十矣而不失豪芒

貼捶鉤之輕重而無毫芒之差

也。捶之睡反大馬司馬也江東三魏之間人皆謂鍛為捶

大馬曰子巧與有道與

曰臣有守也臣之年二十而好捶鉤於物無視也非鉤無察也是用之者假不用者也以長得其用而況乎無

不用者乎物孰不資焉

都無懷則物來皆應

冉求問於仲尼曰未

有天地可知耶仲尼曰可古猶今也

言天地常存乃冉求未有之時

求失問而退明日復見曰昔者吾問未有天地可知乎

夫子曰可古猶今也昔日吾昭然今日吾昧然敢問何

謂也仲尼曰昔之昭然也神者先受之

虛心以待命今斯神受也

之昧然也且又為不神者求耶

思求更致不了為子偽反

無古無

今無始無終

非唯無不得化而為有也有亦不得化而為無矣是以夫有之為物雖千變萬化而

不得一為無也不得一為無故自古無未有之時而常存也

未有子孫而有子孫可

乎

言世世無極。言其要有由不得無故而有傳世故有子孫不得無子而有孫也如是天地不得先無而

今有也

冉求未對仲尼曰已矣未應矣不以生生死

夫死

化而死耳非夫生者生此死也

不以死死生

生者亦獨化而生耳

死生有待耶

獨化

生死

皆有所一體

元與生各自成體

有先天地生者物耶物物者

非物物出不得先物也猶其有物也猶其有物也無已

誰得先物者乎哉吾以陰陽為先物而陰陽者即所謂物耳誰又先陰陽者乎吾以自然為先之而自然即物

之自爾耳吾以至道為先之矣而至道者乃至無也既以無矣又奚為先然則先物者誰乎哉而猶有物無已

明物之自然非有使然也。有先悉薦反

聖人之愛人也終無已者亦乃取

於是者也

取於自爾故恩流  
百代而不廢也

顏淵問乎仲尼曰回嘗聞

諸夫子曰無有所將無有所迎回敢問其遊仲尼曰古

之人外化而內不化

以心順形  
而形自化

今之人內化而外不化

以心  
使形

與物化者一不化者也

常無心故一不化一  
不化乃能與物化耳

安化

安不化

化與不化皆任  
彼耳斯無心也

安與之相靡

直無心而恣其自  
化耳非將迎而靡

順  
之

必與之莫多

不將不迎  
則足而止

狝韋氏之困黃帝之圃有虞

氏之宮湯武之室

夫無心而自化  
乃羣聖所遊處

君子之人若儒墨者

師故以是非相釐也而況今之人乎

釐和也夫儒之師  
天下之難和者而

無心者猶故和之而況其

聖人處物不傷物

至順也

不傷

物者物亦不能傷也

在我而已

唯無所傷者為能與人相將

迎

無心故至順至順故能無所將迎而義冠於將迎也

山林與皋壤與使我欣欣

然而樂與

山林皋壤未善於我而我樂未畢也哀又繼之

樂未畢也哀又繼

之

夫無故而樂亦無故而哀也則凡所樂不足樂凡所哀不足哀也

哀樂之來吾不能

禦其去弗能止悲夫世人直謂物逆旅耳

不能坐忘自得而為哀樂

所寄也

夫知遇而不知所不遇

知之所遇者即知之知之所不遇者即不知也

知

能能而不能所不能

所不能者不能強能也由此觀之知與不知能與不能制不由我也



當付之自然耳

無知無能者固人之所不免也

受生各有分也

夫務免


乎人之所不免者豈不亦悲哉至言去言至為去為

皆自

得也

齊知之所知則淺矣

夫由知而後得者假學者耳故淺也。齊才細反又如字



莊子注卷七

欽定四庫全書

子部  
莊子注卷八

詳校官監察御史

臣邱庭澍

檢討

臣何思鈞覆勘

總校官進士

臣

朱

鈐

校對官主事

臣

陳

墉

謄錄監生

臣

王

宮

欽定四庫全書

莊子注卷八

晉 郭象 注

雜篇庚桑楚第二十三

老聃之役有庚桑楚者偏得老聃之道以北居畏壘之

山其臣之畫然知者去之其妾之挈然仁者遠之

畫然  
飾知

挈然 矜仁 ○ 老聃之役 役學夷弟子也 廣雅云 役使也 庚桑楚 楚名 庚桑姓也 太史公書作亢桑 偏音篇 畏本

或作 隈 畏於鬼反 壘 力罪反 隈壘 山名也 或云在魯又云在梁州 畫音獲 知音智 挈本又作契 言人以仁智為

臣妾 庚桑 桑 桑仁智也 擁腫之與居 擁腫 朴也 鞅掌之為使 鞅掌 自得 居三

年畏壘大壤畏壘之民相與言曰唐桑子之始來吾洒

然異之

異其棄智而任愚○壤而掌反本又作穰豐也

今吾日計之而不足歲

計之而有餘

夫與四時俱者無近功

庶幾其聖人乎子胡不相與

尸而祝之社而稷之乎唐桑子聞之南面而不釋然弟

子異之唐桑子曰弟子何異於予夫春氣發而百草生

正得秋而萬寶成夫春與秋豈無得而然哉天道已行

矣

夫春秋生成皆得自然之道故不為也○正得秋而萬寶成天地以萬物為寶至秋而成也

吾聞

至人尸居環堵之室而百姓猖狂不知所如往

直自往耳非由

知也。○環廣雅云圓也堵丁魯反一丈曰堵環堵者面各一丈言小也。今以畏壘之細民而

竊竊焉欲俎豆于賢人之間我其杓之人耶

不欲為物標杓

○杓音的

吾是以不釋於老聃之言

聃云功成事遂而百姓皆謂我自爾今畏壘反

此故不釋然

弟子曰不然夫尋常之溝巨魚無所還其體而

鯢鱣為之制步仞之丘陵巨獸無所隱其軀而夔狝為

之祥

弟子謂大人必有豐祿也○八尺曰尋倍尋曰常六尺為步七尺曰仞廣一步高一仞也孔安國云

八尺曰仞小爾雅云四尺曰仞夔魚竭反云野狝依之作妖祥也

且夫尊賢授能先善

與利自古堯舜以然而况畏壘之民乎夫子亦聽矣庾

桑子曰小子來夫函車之獸介而離山則不免于罔罟

之患吞舟之魚碣而失水則蟻能苦之故鳥獸不厭高

魚鼈不厭深

去利遠害乃全。函車之獸獸大如車也。一云大容車介音戒廣雅云獨也離力智

反碣徒浪反謂陽溢而失水也

夫全其形生之人藏其身也不厭深眇

而已矣

若嬰身於利祿則粗而淺

且夫二子者又何足以稱揚哉

子二

謂堯舜

是其於辯也將妄鑿垣墻而殖蓬蒿也

將令後世妄行穿鑿

而殖穢亂也

簡髮而櫛數米而炊

理雖刀之末也。櫛莊畢反理於小利也

竊竊

乎又何足以濟世哉

混然一之無所治為乃濟

舉賢則民相軋

將戾拂其

性以待其所尚

○軌鳥點反 任知則民相盜

真不足而以知繼之則偽矣偽以求生非盜如

何○知

之數物者不足以厚民民之於利甚勤子有殺

父臣有殺君正晝為盜日中穴

坏無所復顧○殺本又作弑坏音裴云坏墻

也言無所畏忌

吾語汝大亂之本必生于堯舜之間其末存乎

千世之後千世之後其必有人與人相食者也

堯舜遺其迹飾

偽播其後以致斯弊

南榮趺蹷然正坐曰若趺之年者已長矣將

惡乎托業以及此言邪庾桑子曰全汝形

守其分也○

桑弟子也漢書古今人表作南榮嚅

抱汝生

無攬乎其生之外也

無使汝思慮營營



若此三年則可以及此言也南榮趯曰目之與形吾不知其異也而盲者不能自見耳之與形吾不知其異也而聾者不能自聞心之與形吾不知其異也而狂者不

能自得

目與目耳與耳心與心其形相似而所能不同苟有不同則不可強相法效也

形之與

形亦辟矣

未有閉之。辟婢亦反開也

而物或間之耶欲相求而不

能相得

兩形雖開而不能相得將有間也間問廁之間

今謂趯曰全汝形抱汝

生勿使汝思慮營營趯勉聞道達耳矣

早聞形隔故難化也。勉強也

本或作晚達耳僅達於耳未徹入於心也

庚桑子曰辭盡矣曰奔蜂不能化

霍蠋越雞不能伏鵠卯魯雞固能矣雞之與雞其德非

不同也有能與不能者其才固有巨小也今吾才小不

足以化子子胡不南見老子南榮趺贏糧七日七夜至

老子之所老子曰子自楚之所來乎南榮趺曰唯老子

曰子何與人偕來之衆也

挾三言而來故○奔蜂小蜂也一云土蜂蠋音蜀豆藿中

大青虫也越雞小雞也或云荊雞也魯雞大雞也今蜀雞也贏音盈

南榮趺瞿然顧其後

老子曰子不知吾所謂乎南榮趺俯而慙仰而歎曰今

者吾忘吾答因失吾問老子曰何謂也南榮趺曰不知

乎人謂我朱愚知乎反愁我軀不仁則害人仁則反愁  
我身不義則傷彼義則反愁我已我安逃此而可此三  
言者越之所患也願因楚而問之老子曰向吾見若眉  
睫之間吾因以得汝矣今汝又言而信之若規規然若  
喪父母揭竿而求諸海也汝亡人哉惘惘乎汝欲反汝  
情性而無由入可憐哉南榮越請入就舍召其所好去  
其所惡十日自愁復見老子老子曰汝自洒濯孰哉儻  
儻乎然而其中津津乎猶有惡也夫外獲者不可繁而

捉將內捷內韞者不可繆而捉將外捷

捷關捷也耳目外也心術內也

夫全形抱生莫若忘其心術遺其耳目若乃聲色韞於外則心術塞於內欲惡韞於內則耳目喪於外固必無得無失而後為通也○瞳音接目毛也韞音霍捉則角反外內韞者道德不能持而

況放道而行者乎

偏韞且不可況外內俱韞乎將耳目眩惑於外而心術流蕩於內雖繁手

以執之綢繆以持之弗能止也○放方徃反依也

南榮趺曰里人有病里人問

之病者能言其病然其病病者猶未病也若趺之聞大

道譬猶飲藥以加病也趺願聞衛生之經而已矣老子

曰衛生之經能抱一乎

不離其性○加如字元嘉本作知病崔本作駕云加也衛生李

云防衛其生  
令合道也

能勿失乎

還自得也

能無卜筮而知吉凶乎

則當

吉過則凶  
無所卜也

能止乎

止於分也

能已乎

無追故迹

能舍諸人而求諸

已乎

全我而不效彼

能脩然乎

無停迹也○脩音霄入音育順也

能侗然乎

無節

也

能兒子乎兒子終日嗥而嗑不嗔和之至也

任聲之自出不

由於喜怒○脾戶羔反又作号嗑音益喉也咽也嗔於邁反啞也

終日握而手不掬共

其德也

任手之自握非獨得也○捲手曰握掬五禮反崔云寄也共壹也

終日視而目

不瞋偏不在外也

任目之自見非係於色也○瞋字又作瞬動也

行不知所之

任足之自

居不知所為

縱體而自任也

與物委蛇

斯順之也○委於危反蛇

反以

而同其波

物波亦波

是衛生之經已南榮越曰然則是

至人之德已乎

若能自致而用此言便欲自謂至人之德

曰非也是乃所謂

水解凍釋者

能乎明非自爾

夫至人者相與交食乎地而交樂

乎天

自無其心皆與物共交俱也共也樂音洛

不以人物利害相撓不相

與為怪不相與為謀不相與為事脩然而往侗然而來

是謂衛生之經已曰然則是至乎

謂已便可得此言而至耶

曰未也

吾固告汝曰能兒子乎

非以此言為不至也但能聞而學者非自至耳苟不自至則雖

聞至言道可以為經胡可得至

我故學者不至至者不學也  
兒子動不知所為行不

知所之身若槁木之枝而心若死灰若是者禍亦不至

福亦不來禍福無有惡有人災也

禍福生於失得人災由於愛惡今槁木死

灰無情之至則愛惡失得無自而來

宇泰定者發乎天光

夫德宇泰然而定則其所發者

天光耳非人耀○宇器宇也謂器宇閒泰則靜定也

發乎天光者人見其人

天光自發

則人見其人物見其物物各自見而不見彼所以泰然而定也

人有脩者乃今有恒

而

脩人則自得矣所以常泰

有恒者人舍之天助之

常泰故能反居我宅而自然獲助也

人之所舍謂之天民天之所助謂之天子

出則天子處則天民此二

者俱以泰然而自得之非為而得之也

學者學其所不能學也行者行其

所不能行也辯者辯其所不能辯也

凡所能者雖行非為雖習非學雖言

非

辯知止乎其所不能知至矣

所不能知不可強知故止斯至也

若有不

即是者天鈞敗之

意雖欲為為者必敗理終不能

備物以將形

因其自備而順

其成

藏不虞以生心

心自生耳非虞而出之虞者億度之謂

敬中以達彼

理自達彼耳非慢中而敬外

若是而萬惡至者皆天也

天理自有窮通而非

人也

有為而致惡者乃是人

不足以滑成

安之若命故其成不滑○滑音骨

不可

內於靈臺

靈臺者心也清暢故憂患不能入

靈臺者有持

有持者謂不動於物耳其

實非

而不知其所持

若知其所持則持之

而不可持者也

持則不失也



見其誠已而發

此妄發作○不見其誠已而發謂不自照其內而外馳也

每發而不

當

發而不由己誠何由而當○當丁浪反爾雅云每雖也謂雖有發動不中當

業入而不舍

事不居其分內

每更為失

發由己誠乃為得也

為不善乎顯明之中者人

得而誅之為不善乎幽間之中者鬼得而誅之明乎人

明乎鬼者然後能獨行

幽顯無愧於心則獨行而不懼○問音閑

券內者行

乎無名

券分也夫遊於分內者行不由於名

券外者志乎期費

有益無益期欲損已

以為物也○費勞費反下同廣雅云期卒也費耗也言若存分外而不止者卒有所費耗也

行乎無

名者唯庸有光

本有斯光因而用之

志乎期費者唯賈人也

雖已所無

猶惜彼而販賣人見其跂猶之魁然夫期費者人已見其跂矣而猶自以

為安○魁安也謂衆人已見其跂與物窮者物入焉謂窮

始與物且者其身之不能容焉能容人且謂券外而跂者跂者不立焉

能自容不能自容焉能容人不能容人者無親無親者

盡人身且不能容則雖已非已兵莫憖于志鎔錡為下

夫志之所櫻然火凝水故其為兵甚於劒戟也○憖七坎反痛也寇莫大於陰陽無所

逃於天地之間非陰陽賊之心則使之也心使氣則陰陽微結於五

臟而所在皆陰陽也故不可逃道通其分也其成也毀也成毀無常分而道皆通○

分符所惡乎分者其分也以備不守其分而求備焉所

問反所以惡乎備者其有以備以惡分也。惡烏路反

下同所以惡乎備者其有以備本分不備而有以求備所

宣惡故出而不反見其鬼不反守其分內則其死不久

而不反觀於內也見其鬼永淪危殆出而得是謂得死

資死之術已行之故曰見鬼也情識外馳以為得者是曰得死耳非理也

不出而無得乃得生。出而得是謂得死若

鬼之一也已滅其性矣雖有斯生何異於鬼。滅而有實

殄塞純朴之道而外馳澆薄之境雖復行尸於世與鬼何別故云鬼一也

者而定矣雖有斯形苟能曠然無

出無本歟然自生

入非有本

無竅

歟然自死非有根。出生也。入死也。本始也。竅孔也。所以知有形累於無形者以其出入無本竅故

也

有實而無乎處有長而無乎本剗有所出而無竅者

有實

言出者自有實耳其所出無根竅以出之。處昌據反下同長丁丈反增也又如字下同剗本亦作

標同甫小反未也所出夫生必有所出也而無此明所出是無也既是無矣何能有所出耶竅者有實既言有

竅必有實求實不得竅亦無也

有實而無乎處者宇也

宇者有四方上下而四方上下

未有窮處。有實而無乎處者宇也。三蒼云四方上下為宇宇雖有實而無定處可求也

有長而無

本剗者宙也

宙者有古今之長而古今之長無極。有長而無本剗者宙也。三蒼云往古來今曰

宙說文曰舟輿所極覆為宙長猶增也本始也宙雖有增長亦不知其始末所至者也

有乎生有

乎死有乎出有乎入出入而無見其形

死生出入皆歟然自爾無所由

故無所見其形

是謂天門

天門者萬物之都名也謂之天門猶云衆妙之門也

天門者無

有也萬物出乎無有

死生出入皆歟然自爾未有為之者也然有聚散隱顯故有出入之

名徒有名耳竟無出入門其安在乎故以無為門以無為門則無門也

有不能以有為有

夫有之未生以何為生乎故必自有耳豈有之所能有乎

必出乎無有

此所以明有之不能為有

而自有耳非謂無能為有也若無能為何謂無乎

而無有一無有

一無有則遂無矣無者遂

無則有自歟生明矣聖人藏乎是

任其自生而不生生

古之人其知有所至

矣惡乎至有以為未始有物者至矣盡矣弗可以加矣

其次以為有物矣將以生為喪也

喪其散而之乎聚也○惡音烏喪息浪反

以死為反也

還融液也

是以分已

雖欲均之然已分矣○分方云反

其次曰

始無有既而有生生俄而死以無有為首以生為體以

死為尻孰知有無死生之一守者吾與之為友是三者

雖異公族也

或有而無之或有而一之或分而齊之故謂三也此三者雖有盡與不盡然俱能無

是非於冒中故謂之

昭景也著戴也甲氏也著封也非

一也

此四者雖公族然已非一則向之三者已復差之著丁畧反又張慮反戴本亦作載甲氏也著張慮

反久也又丁畧反封也非一也一說云昭景甲三者皆楚同宗也著戴者謂著冠世世處楚朝為衆人所戴仰

也著封者謂世世處封邑而光著久也昭景甲三姓雖異論本則同也一云昭景二姓楚之所顯戴皆甲姓顯封雖非一姓同出公族喻死生同有生黜也直聚氣也也此兩說與註不同聊出之耳

反云廩有底也有底者欲披然曰移是則披然而有分

也是無常在故曰移○披普皮反然曰嘗言移是非所移是或云緘然聚而生披然散而死也

言也所是之移已雖然不可知者也不言其移則其移著於言前矣

臘者之有脰胾可散而不可散也物各有用○臘力閤反脰音昆牛百葉也

本或作昆音昆樟也胾古來反足大指也一云備也案臘者大祭備物而般有脰胾此雖從散禮應具不可散

也棄觀室者周於寢廟又適其偃焉偃謂屏廁○偃於晚反為是舉

移是

寢廟則以饗燕屏廁則以偃溲當其偃溲則寢廟之是移於屏廁矣故是非之移一彼一此誰能常

之故至人因而乘之則均耳○為于偽反

請嘗言移是是以生為本

物之變化無時

非生則所

以知為師

所知雖異而各師其知

因以乘是非

乘是非者

無是

果有名實

物之名實果各自有

因以已為質

質主也物各謂已足以為是

非之

使人以為已節

人皆謂已

因以死償節

當其所守非真脫也

○償常亮反廣雅云償報也復也案謂殺身以成名節成而身死故曰以死償節

若然者以用

為知以不用為愚以徹為名以窮為辱

不能隨所遇而安之○知音智

移是今之人也

玄古之人無是無非何移之有

是蜩與鷺鳩同於同也



同共是其所同。○蜩踞市人之足則辭以放驚。稱已脫誤以謝

之。○踞女展反廣雅云履也驚五報反廣雅云妄也兄則以姬言姬謂之無所辭謝。○姬於禹反

大親則已矣。明恕素足故曰至禮有不人。不人者視人若已視人若已則不相

辭謝斯乃至義不物。各得其宜則至知不謀。謀而後知禮之至也物皆我也。

至仁無親。譬之五臟未嘗相親而仁已至也至信辟金。金玉者小信之質耳至信則除

笑。○辟必徹志之勃解心之謬去德之累達道之塞貴領反除也

富顯嚴名利六者勃志也容動色理氣意六者謬心也

惡欲喜怒哀樂六者累德也去就取與知能六者塞道

也此四六者不濫冒中則正正則靜靜則明明則虛虛

則無為而無不為也

也濫動也

道者德之欽也生者德之光

也性者生之質也性之動謂之為

此以性自動故稱為耳此乃真為非有為也

為之偽謂之失知者接也知者謨也知者之所不知猶

睨也

夫目之能視非知視而視也不知視而視不知動知而知耳所以為自然若知而後為則知偽也

以不得已之謂德

若得已而動則為強動者耳故失也

動無非我之謂治

動而效彼則亂

名相反而實相順也

有彼我之名故反彼得其實則順

羿工乎

中微而拙乎使人無已譽

善中則善取譽矣理常俱

聖人工乎天而

拙乎人

任其自然天也

夫工乎天而俚乎人者唯全人

能之

工於天即俚於人矣謂之全人全人則聖人也○俚音良良工也

惟蟲能蟲唯蟲

能天

能還守蟲即是能天

全人惡天惡人之天而況吾天乎人乎

都不知而任之斯而謂工乎天○惡天烏路反下同

一雀適羿羿必得之威也

威

取物物必逃之

以天下為之籠則雀無所逃

天下之物各有所好所好各得則逃

將安在

是故湯以胞人籠伊尹秦穆公以五羊之皮籠百

里奚是故非以其所好籠之而可得者無有也介者侈

畫外非譽也

畫所以飾容貌也則者之貌既以虧殘則不復以好醜在懷故侈而棄之介音界又

云刑也。移，敕紙反。又音他。本亦作移。畫飾。胥靡登高而容之，其無足故不復愛之一云。移，離也。

不懼遺死生也。

無賴於生故不畏死。胥靡刑徒人也。一云，靡人也。一云，腐刑也。

夫復

謂不餽而忘人。

不識人之所惜。復音服。謂音習。餽，廣雅云遺也。一音愧。元嘉本作愧。忘人復

者溫復之謂也。謂，翫也。夫人翫習者雖復小事皆所至惜。今溫復人之所習既得之矣而不還歸以饋遺之。此

至愚不獲人之所習者也。忘人因以為天人矣。

無人之情則自

然為故敬之而不喜侮之而不怒者，唯同乎天和者為

然。彼形殘胥靡而猶同乎天和况天和之自然乎。

出怒不怒則怒出於不怒矣。

出為無為則為出於無為矣。

此故是無不能生有不能為生之意也。欲靜

則平氣欲神則順心有為也欲當則緣於不得已不得

已之類聖人之道

平氣則靜理足順心則神功至緣於不得已則所為皆當故聖人之以斯

為道宜求無為於恍惚之外哉

### 徐無鬼第二十四

徐無鬼因女商見魏武侯武侯勞之曰先生病矣苦於

山林之勞故乃肯見於寡人徐無鬼曰我則勞於君君

有何勞於我君將盈嗜欲長好惡則性命之情病矣君

將黜嗜欲拏好惡則耳目病矣

情欲好惡內外無可○徐無鬼緡山人魏之隱

士也武侯名擊文侯之子治安邑勞之力報反唯山林之勞一字如字餘并下章並力報反長丁丈反好呼報反下下章同惡烏路反下下章同擊苦田反

又口閑反爾雅云固也一云引去也云牽也

我將勞君

君有何勞於我武侯超然不對

不說其言

少焉徐無鬼曰嘗

語君吾相狗也下之質孰飽而止是狸德也中之質若

視日上之質若亡其一吾相狗又不若吾相馬也吾相

馬直者中繩曲者中鈎方者中矩圓者中規是國馬也

而未若天下馬也天下馬有成材若卹若失若喪其一

若是者超軼絕塵不如其所武侯大說而笑

夫真人之言何遜哉

唯物所好之可也。○下之質一本無質字執飽而止以  
執字絕句云放下之能執禽也。狸德謂貪如狐狸也。視  
日瞻遠也。若亡其一身也。謂精神不動若無其身也。  
中丁仲反。下皆同。直謂馬齒曲謂背上方謂頭圓謂目  
成材字亦作才。言自然已足不須教習也。卹音恤。失音  
逸。本作佚。李云卹失皆驚竦若飛也。喪息浪反。下章同  
耦也。軼音逸。徐無鬼出女商曰先生獨何以說吾君乎

吾所以說吾君者橫說之則以詩書禮樂從說之則以  
金板六弢奉事而大有功者不可為數而吾君未嘗啟

齒。是直樂鵠以鍾鼓耳。故愁。○弢吐乃反。金板六弢皆  
周書篇名。或曰祕藏也。本入作六韜。謂太公六韜文。

武虎豹  
龍犬也今先生何以說吾君使吾君說若此乎徐無鬼

曰吾直告之吾相狗馬耳女商曰若是乎曰子不聞夫

越之流人乎去國數日見其所知而喜

各思其本性之所好○流人有

罪自流徙者也

去國旬月見所嘗見於國中者喜及期年也見

似人者而喜矣不亦去人滋久思人滋深乎

各得其所好則無思

無思則忘其所以喜也○期音基

夫逃虛空者藜藿柱乎鼃鼃之逕跟

位其空聞人足音跂然而喜矣而況乎昆弟親戚之營

歎其側者乎

得所至樂則大悅也○虛空司馬云故懷家處為空虛也藜徒弔反本或作擢同杜

誅矩反塞也鼃音生又音姓鼃由救反逕本亦作徑位其空謂處虛空之間也從巨恭反喜貌行人之聲而喜



喻武侯之無人君之德而處在防衛之間雖臨朝倚厲  
愈非其意及得其所思猶逃竄之聞人音安能不蹙然  
改貌釋然而喜也譬苦項反又音聲效苦愛反一音器  
喻言笑也但呼聞所好猶大悅況骨肉之情歡之至也  
久矣夫莫以真人之言譬效吾君之側乎

所以未當啟齒也夫真人

之言所以得吾君性也始得之而喜久得之則忘

徐無鬼見武侯武侯曰先生

居山林食芋栗厭蔥韭以賓寡人久矣夫今老耶其欲  
于酒肉之味耶其寡人亦有社稷之福耶徐無鬼曰無  
鬼生於貧賤未嘗敢飲食君之酒肉將來勞君也君曰  
何哉奚勞寡人曰勞君之神與形武侯曰何謂耶徐無

鬼曰天地之養也一

不以為君而恣之無極。芋音序又食汝反韭音久賓本或作擯擯

棄也又必人反賓客也于求也社稷之福耶謂善言嘉謀可以利社稷也

登高不可以為長

居下不可以為短君獨為萬乘之主以苦一國之民以

養耳目鼻口

如此違天地之平也

夫神者不自許也

物與之耳○許與也

夫

神者好和而惡姦

與物共者和也私自許者姦也

夫姦病也故勞之唯

君所病之何也武侯曰欲見先生久矣吾欲愛民而為

義偃兵其可乎徐無鬼曰不可愛民害民之始也

愛民之迹

為民所尚尚之為愛愛已偽也○姦病姦者以正從邪也謂病也所病之何也服而無對也或云養違天地獨

恣其欲自許不損於神而以姦為病故  
不知所以以此為病何為乎偃息也  
為義偃兵造兵

之本也

為義則名彰名彰則競無競興則喪其真矣  
父子君臣懷情相欺雖欲偃兵其可得乎

君

自此為之則殆不成

從無為為之乃成耳

凡成美惡器也

美成於前則偽

生於後故成美者乃惡器也

君雖為仁義幾且偽哉

民將以偽繼之耳未皆為真也

形固造形

仁義有形固偽形必作

成固有伐

成則顯也

變固外戰

失其常然

○成固有伐變固外戰成功在己亦眾所不與欲無有  
伐其可得乎夫偽生形造又伐焉非本所圖勢之變也

既有偽伐得無戰乎

君亦必無盛鶴列於麗譙之間

鶴列陳兵也麗譙高樓也

○鶴列謂兵如鶴之列行一云鶴列鐘鼓也麗如字又  
力智反力支反譙本亦作譙在造反麗譙樓觀名也案

謂華麗無徒驥於鎬壇之宮步兵曰徒但不當為義愛民耳亦無為盛兵徒馬○

無徒徒步也無藏逆於得得中有逆則失耳○藏一本鎬壇壇名作藏得作德凡非理而貪貪

得而居之此藏逆於德內者也孰有貪德而可以德無不失哉固宜無藏而捨之又云謂有貪則逆道也

以巧勝人守其朴而朴各有所能則平無以謀勝人率其真知而知各有其長則均

無以戰勝人以道應物物服而無勝名夫殺人之士民兼人之土地

以養吾私與吾神者其戰不知孰善勝之惡乎在不知以何

為善則雖冠非已勝○惡者烏下同君若勿已矣脩習中之誠以應天地

之情而勿撓若未能已則莫若脩己之誠夫民死已脫矣君將惡乎

用夫偃兵哉

甲兵無所陳非偃也

黃帝將見大隗乎具茨之山方

明為御昌寓驂乘張若謂朋前馬昆閭滑稽後車至於

襄城之野七聖皆迷無所問塗

聖者名也名生而物迷矣欲之乎大隗其可得

乎隗五罪反大司神名具茨一本作次同祀資反又音資山名在滎陽密縣東今名恭隗山寓音弗驂乘車右

也謂音習前馬二人先馬導也

適遇牧馬童子問塗焉曰若知具茨之

山乎曰然若知大隗之所存乎曰然黃帝曰異哉小童

非徒知具茨之山又知大隗之所存請問為天下小童

曰夫為天下者亦若此而已矣又奚事焉

各自若則無事矣無事乃

可以為予少而自遊於六合之內予適有瞽病有長者

教子曰若乘日之車而遊於襄城之野

日出而遊日入而息○少詩召

反瞽莫豆反風眩貌一云瞽讀曰暈謂眩暈也日之車以日為車也

今予病少瘥予又且

復遊於六合之外夫為天下亦若此而已予又奚事焉

夫為天下莫過自放任自放任矣物亦奚攖焉故我無為而民自化○瘥七全反除也

黃帝曰夫

為天下者則誠非吾子之事

事由民作

雖然請問為天下

令民

自得必

有道也小童辭黃帝又問小童曰夫為天下者亦奚以

異乎牧馬者哉亦去其害馬者而已矣

馬以過分為害○去起呂反

黃帝再拜稽首稱天師而退

師夫天然而去其過分則大隗至也

知士無

思慮之變則不樂辯士無談說之序則不樂察士無凌

誅之事則不樂皆囿於物者也

不能自得於內而樂物於外故可囿也故各以

所樂囿之則萬物不召而自來非強之也○知音智樂音洛察識也凌謂相凌轢誅音信廣雅云問也又音崇

招世之士興朝中民之士榮官筋力之士矜難勇敢之

士奮患兵革之士樂戰枯槁之士宿名法律之士廣治

禮樂之士敬容仁義之士貴際

士之不同若此故當之者不可易其方○朝直

遙反中民善治民也難乃旦反宿積久也枯槁一農夫生以爲娛其所寢宿唯名而已責際謂盟會事

無草萊之士則不比商賈無市井之士則不比能同則事同所

以比○比比志反下同

庶人有旦暮之業則勸業得其志故勸百工有器

械之巧則壯

事非其巧則情壯猶疾也

錢財不積則貧者憂物得所嗜

而樂也

權勢不尤則夸者悲勢物之徒樂變權勢生於事變遭時

有所用不能無為也

凡此諸士用各有時時用則不能自己也苟不遭時則雖欲自用其

可得乎故貴賤無常

此皆順比於歲不物於易者也

士能各有其極若四時之

不可易耳故當其時物順其倫次則各有用矣是以順歲則時序易性則不物物而不物非毀如何馳其

形性潛之萬物終身不反悲夫

不守一家之能而之萬方以要時利故匍匐而



歸所以悲也

莊子曰射者非前期而中謂之善射天下皆羿

也可乎

不期而中謂誤中者也非善射也若謂誤中為善射是則天下皆可謂之羿可乎言不可也○

中丁仲反

惠子曰可莊子曰天下非有公是也而各是其所

是天下皆堯也可乎

若謂謬中者羿也則自是者亦可謂堯矣莊子以此明妄中者非羿

而自是者非堯也

惠子曰可莊子曰然則儒墨楊秉四與夫子

為五果孰是耶

若皆堯也則五子何為復相非乎

或者若魯遽者耶其

弟子曰我得夫子之道矣吾能冬爨鼎而夏造冰矣魯

遽曰是直以陽召陽以陰召陰非吾所謂道也吾示子

乎吾道於是乎為之調瑟廢一於堂廢一於室鼓宮宮

動鼓角角動音律同矣

俱亦以陽召陽而橫自以為是  
○遽音渠周初時人廢置也

夫或改調一弦於五音無當也

隨調而改

鼓之二十五弦皆

動

先聲則无以相動有聲則非同不應今改此  
一弦而二十五弦皆改其以急緩為調也

未始異

於聲而音之君已

魯遽以此夸諸弟子然亦以  
同應同耳未獨能為其事也

且若是

者耶

五子各私所見而是其所是然亦無異  
於魯遽之夸其弟子而未能相出也

惠子曰今

夫儒墨楊秉且方與我以辯相拂以辭相鎮以聲而未

始吾非也則奚若矣

未始吾非者各自是  
也惠子欲以此為至

莊子曰齊人

躋子於宋者其命閤也不以完

投之異國使閤者守之出使或子不保其全此

齊人之不慈也然亦自以為是故為之。躋呈亦反投也

其求鉏鍾也以束縛

乃反

鍾器為是束縛恐其破傷。○鉏音刑字林云鉏似小鍾而長頸又云似壺而大以束縛恐其破傷案此言賤子

貴鉏自以為是也

其求唐子也而未始出域有遺類矣

唐失也

子而不能遠索遺其氣類而亦未始自非人之自是有斯謬矣。○唐子謂失亡子也遺類遺亡也亡其種類故也惠施畔道而存皆猶齊人遠子而束縛也

夫楚人寄而躋閤者

俱寄止而不能自投

於高夜半於無人之時而與舟人閤未始離於岑而足

以造於怨也

岑岸也夜半獨上人船未離岸已共人閤言齊楚二人所行若此而未嘗自以為非

今五子自是豈異斯哉。○夜上人船人必擠已於水也

莊子送葬過惠子之墓顧

謂從者曰郢人堊慢其鼻端若蠅翼使匠石斲之匠石

運斤成風聽而斲之

瞑目恣手。○從才用反。郢楚都也。漢書音義作優人服虔云優人古

之善塗墍者施廣領大袖以仰塗而領袖不汚有小飛泥誤著其鼻因令匠石運斤而斲之堊為路反慢本亦作漫猶塗之也盡堊而鼻不傷郢人立不失容宋元君聞之召

匠石曰嘗試為寡人為之匠石曰臣則嘗能斲之雖然

臣之質死久矣自夫子之死也吾無以為質矣吾無與

言之矣

非夫不動之質忘言之對則雖至言妙斲而无所用之。○為寡于偽反

管仲有病

桓公問之曰仲父之病病矣可不謂云至於大病則寡人惡乎屬國而可管仲曰公誰欲與公曰鮑叔牙曰不可其為人絮廉善士也其於不已若者不比之又一聞人之過終身不忘使之治國上且鉤乎君下且逆乎民其得罪於君也將弗久矣公曰然則孰可對曰勿已則隰朋可其為人也上忘而下畔

高而不亢大病謂死也上忘而下畔言在上不

自高於下无背者也

愧不若皇帝而哀不已若者

故无棄人

以德分人

謂之聖以財分人謂之賢以賢臨人未有得人者也以

賢下人未有不得人者也其於國有不聞也其於家有

不見也勿已則隰朋可

若皆聞見則事鍾於己而群下无所措手足故遺之可也未能

盡遺故僅可也

吳王浮于江登乎俎之上衆俎見之恂然棄而

走逃於深莽有一狙焉委蛇攫抓見巧乎王王射之敏

給

敏疾也給續拈也○攬具縛反抓本入作搔索報反

搏捷矢

捷速也矢往雖速而狙猶能搏○搏

音博

王命相者趨射之狙執死王顧謂其友顏不疑曰之

狙也伐其巧恃其便以教予以至此殛也戒之哉嗟乎

無以汝色驕人哉顏不疑歸而師董梧以鋤其色去樂

辭顯三年而國人稱之

稱其忘巧遺色而任夫素朴。相者息亮反佐王獵者也趙音

促急也執死見執而死也之狙也之猶是也。使婢面反董梧有道者也師其德以鋤色

南伯子綦

隱几而坐仰天而噓顏成子入見曰夫子物之尤也形

固可使若槁骸心固可使若死灰乎曰吾嘗居山穴之

中矣當是時也田禾一覩我而齊國之衆三賀之

以得見子

綦為榮。隱於斯反田禾齊君也尊德故國人慶之

我必先之彼故知之我必賣

之彼故鬻之若我而不有之彼惡得而知之若我而不

賣之彼惡得而鬻之嗟乎我悲人之自喪者吾又悲夫

悲人者吾又悲夫悲人之悲者其後而日遠矣

子綦知夫為之

不足以救彼而適足以傷我故以不悲悲之則其悲稍寧而泊然无心枯槁其形所以為日遠矣

仲尼

之楚楚王觴之孫叔敖執爵而立市南宜僚受酒而祭

曰古之人乎於此言已

古之言者必於會同○孫叔敖案左傳孫叔敖是楚莊王相哀

公十六年仲尼卒後白公為亂宜僚未嘗仕楚又宣十二年傳楚有熊相宜僚則與叔敖同時去孔子甚遠蓋

寄言也

曰丘也聞不言之言矣未之嘗言

聖人无言其所言者百姓之言

耳故曰不言之言苟以言為不言則雖言出於口故為未之嘗言

於此乎言之

今將於此言於

无市南宜僚弄丸而兩家之離解孫叔敖甘寢秉羽而



郢人投兵

此二子息訟以默澹泊自若而兵難自解。○宜僚楚之勇士也善弄九楚白公勝將作亂

役令尹子西子期石乞曰市南有熊宜僚者若得之可以當五百人乃往告之不許也承之以劍弄九如故曰

吾亦不泄子白公遂殺子西子期歎息兩家而已宜僚不預其患甘寢秉羽言叔敖願安寢恬卧以養德於廟

堂之上折衝於千里之外敵國不敢犯郢人投兵无所攻伐也郢楚都也丘願有喙三尺

言非已則雖終身言故為未嘗言耳是以有喙三尺未足稱長凡人閉口未是不言○喙許穢反三尺言長也

彼之謂不道之道

彼謂

此之謂不言之辯

此謂仲尼○彼謂甘寢此

謂弄故德總乎道之所一

道之所容者雖无方然總其大歸莫過於自得故一也

而言休乎知之所不知至矣

言止其分非至如何

道之所一者德

不能同也

各自得耳非相同也而道一也。不能同一本作相同

知之所不能知

者辯不能舉也

非其分故不能舉

名若儒墨而凶矣

夫儒墨欲同所不能

同舉所不能舉故凶

故海不辭東流大之至也

明受之无所辭所以成大

聖人

并包天地澤及天下而不知其誰氏

汎然都任

是故生無爵

有而死無謚

謚所以名功功不在已故雖謚而非已有

實不聚

令萬物各知足

名不

立功非已為故名歸於物

此之謂大人

若為而有之則小矣

狗不以善吠為

良人不以善言為賢

賢出於性非言所為

而況為大乎

夫大愈不可為而得

夫為大不足以為大而況為德乎

唯自然乃德耳

夫大備矣莫

若天地然奚求焉而大備矣

天地大備非求之也

知大備者無求

無失無棄不以物易已也

知其自備者不舍已而求物故無求无失无棄也

反

已而不窮

反守我理我理自通

循古而不摩

順常性而自至耳非摩拭

大人之

誠

不為而自得故曰誠

子綦有八子陳諸前召九方歟曰為我相

吾子孰為祥九方歟曰梱也為祥子綦瞿然喜曰奚若

曰梱也將與國君同食以終其身子綦索然出涕曰吾

子何為以至於此極也九方歟曰夫與國君同食澤及

三族而況於父母乎今夫子聞之而泣是禦福也子則

祥矣父則不祥子綦曰歟汝何足以識之而相祥邪盡

於酒肉入於鼻口矣而何足以知其所自來吾未嘗為

牧而祥生於輿未嘗好田而鵝生於突若勿怪何耶夫

以怪出於不意故也○歟音因善相馬人淮南子作九

方臯祥子郎反爾雅云牝羊也與西南隅也一曰豕牢

也突字又作寢烏弔反東北隅也一云窟也吾所與吾子遊者

遊於天地所不有吾與之邀樂於天吾與之邀食於地所隨

過於天地耳邀遇也吾不與之為事不與之為謀不與之為怪怪異

也循常任性脫然自爾吾與之乘天地之誠而不以物與之相撓

斯不為也

吾與之一妾蛇而不與之為事所宜

斯順耳无擇也

今也

然有世俗之償焉

夫有功於物物乃報吾不為功而償之何也

凡有怪徵者

必有怪行殆乎非我與吾子之罪幾天與之也

今无怪行而有

怪徵故知其天命也

吾以是泣也

夫為而然者勿為則已矣不為而自至則不可奈何也故泣之

無幾何而使梱之於燕盜得之於道全而鬻之則難不

若刖之則易

全恐其逃故不如刖之易售也○幾居豈反

於是刖而鬻之於

齊適當渠公之街終身食肉而終齧缺遇許由曰子將

奚之曰將逃堯曰奚謂邪曰夫堯畜畜然仁吾恐其為

天下笑後世其人與人相食與

仁者爭尚之原故也。渠公齊之富室為街正

買相自代終身食肉至死一云渠公屠者與相君臣同食肉也

夫民不難聚也愛之則

親利之則至譽之則勸致其所惡則散愛利出乎仁義

捐仁義者寡利仁義者衆夫仁義之行唯且無誠

仁義既行

將偽以為之

且假夫禽貪者器

仁義可見則夫貪者將假斯器以獲其志。禽之貪者殺

害无極仁義貪者傷害无窮

是以一人之斷制利天下

若夫仁義各出其情則其

斷正不制譬之猶一規也

規割也萬物萬形而以一劑割之則有傷也規薄結反暫

見夫堯知賢人之利天下也而不知其賊天下也夫唯

外乎賢者知之矣

外賢則賢不偏

有暖姝者有濡需者有卷婁

者所謂暖姝者學一先生之言則暖暖姝姝而私自說

也自以為足矣而未知未始有物也

意盡形告豈知我之獨化於玄冥之

竟哉○暖吁爰反柔貌姝妖貌濡需謂偷安須臾之頃卷音權卷婁猶拘攣也

是以謂暖姝者

也濡需者豕蟲是也擇䟽鬣自以為廣宮大園奎蹄曲隈

乳間股脚自以為安室利處不知屠者之一旦敲臂布

草操煙火而已與豕俱焦也

此以域進此以域退

此其所謂濡需

者也

非有通變藐世之才而偷安乎一時之利者皆豕蟲者也○蟲音瑟

卷婁者舜也羊

肉不慕蟻蟻慕羊肉羊肉羶也舜有羶行百姓悅之故

三徙成都至鄧之虛而十有萬家堯聞舜之賢舉之童

土之地曰冀得其來之澤舜舉乎童土之地年齒長矣

聰明衰矣而不得休歸所謂卷婁者也

聖人之形不異凡人故耳目之

用衰也至於精神則始終常全耳若少則未成及長而

衰則聖人之聖魯不崇朝可乎○年長心勞無愛樂之

志是猶羊肉不慕蟻也羶設然反行下孟

反鄧邑名童土地无草木也長丁丈反

是以神人惡衆至則不比不比則不利也

明

衆自至耳非好而致之○惡焉路反

之所以有天下蓋於不得已故無所甚親無所甚踈抱



德煬和以順天下此謂真人於蟻棄知於魚得計於羊

棄意

於民則蒙澤於舜則形勞○煬音羊炙也為和氣所炙知音智蟻得水則死魚得水則生羊得水則

病一說云真人无羶故不致蟻是蟻棄知也共處相忘之大道无沾濡之德是魚得計也羊无羶行而不致蟻

是羊棄意也

以目視目以耳聽耳以心復心

此三者未能無其耳目心意也

若然者其平也繩

未能去繩而自平○去起吕反

其變也循

未能絕迹而玄會

古之真人以天待之

居无事以待事事斯得

不以人入天

以有事求无事

荒事斯

古之真人得之也生失之也死得之也死失之也

生

得失各隨其所居耳於生為得於死為失得失未始有常也

樂也其實堇也桔梗

也雞靡也豕零也是時為帝者也何可勝言

當其所須則无賤非

其時則无貴賤有時誰能常也○莖音斬烏頭也治風冷痺枯音結梗古猛反桔梗治心腹血痰癰痺雞靡即雞頭也名芡與藕子合為散服之延年豕零本作豕囊云名猪苓根似猪卵可以治渴案四者皆藥草名是時為帝者也藥草有時迭相為帝謂其土根榮採藥各得所用也

句踐也以甲楯三千

棲於會稽唯種也能知亡之所以存唯種也不知其身

之所以愁故曰鵠目有所適鶴脰有所節解之也悲各適

其一時之用不能靡所不可則有時而失有時而失故有時而悲矣解去也○句音鉤會古外反稽音雞種章

勇反越大夫名也吳越故曰風之過河也有損焉日之

春秋云姓文字少禽

過河也有損焉

有形者自然相與為累唯外夫形者磨之而不磷。有損有形自然相累世能

累物物能累人故大

請只風與日相與守河而河以為

未始其撓也

實已損矣而不自覺

恃源而往者也

所以不覺非不損也恃源往也

○恃本亦作恃源而注者也水由源注雖遇風日不能損也道成其性雖在於世不能移也

故水之

守土也審影之守人也審物之守物也審

元意則止於分所以為審

故目之於明也殆耳之於聰也殆心之於徇也殆

有意則死

崖故殆

凡能其於府也殆殆之成也不給改

所以貴其天能而任其天

然禍之長也茲萃

萃聚也苟不能忘知則禍之長也多端矣。○長丁大反

其反也

緣功

反守其性則其功不作而成

其果也待久

欲速則不果

而人以為已

寶不亦悲乎

已寶謂有其知能

故有亡國戮民無已

皆有其身之禍不

知問是也

不知問禍之所由乎有心而脩心以救禍也

故足之於地也踐雖

踐恃其所不踞而後善博也人之知也少雖少恃其所

不知而後知天之所謂也

夫忘天地遺萬物然後蜩翼可得而知也況欲知天之所

謂而可以不无其心哉○一足常不往故能行廣遠也

知大一知大陰知大目知

大均知大方知大信知大定至矣大一通之

也道大陰解

之

用其分內則萬事無滯也

大目視之

用萬物之自見亦大目也

大均緣之

因其本性

欽定四庫全書

莊子注  
卷八

二十九

令各自得則大均也

大方體之

體之使各得其分則萬方俱得所以為大方也

大信稽之

命之所期无令越逸斯大信也

大定持之

真不撓則自定故持之以大定斯不持也

盡有天

夫物未有无自然者也

循有照

循之則明无所作也

冥有樞

至理有極但當冥之則得其樞

要始有彼

始有之者彼也故我述而不作

則其解之也似不解之者

夫解

任彼則彼自解解之無功故似不解

其知之也似不知之也

用彼不知而

後知之

我不知則彼知自用則天下莫不皆知也

其問之也不可以有

崖應物宜而无方而不可以無崖

各以其分頡滑有實

萬物雖頡滑不同而物物

各自有實也。頡滑謂錯亂也

古今不代

各自有故不可相代

而不可以虧

宜各盡其

也分則可不謂有大揚摧乎

○推而揚之有大根也

闔不亦

問是已矣惑然為

若問其大推則物有至分故忘已倦物之理可得而知也奚為而惑若此

也以不惑解惑復於不惑是尚大不惑

夫惑不可解故尚大不惑愚之

至也是以聖人從而任之所  
以皇王殊迹隨世為名也

### 則陽第二十五

則陽遊於楚夷節言之於王王未之見夷節歸彭陽見  
王果曰夫子何不譚我於王王果曰我不若公閱休彭  
陽曰公閱休奚為者邪曰冬則獨鼈于江夏則休乎山

樊有過而問者曰此予宅也

○言此者以抑彭陽之進趨則陽名則陽字彭陽也

一云姓彭名則陽周初人也夷節楚臣果楚賢人譚音談本亦作談說也公聞休隱士也獨初角反刺也予宅

以隱居山陰自顯也

夫夷節已不能而況我乎吾又不若夷節夫

夷節之為人也無德而有知不自許以之神其交固顛

冥乎富貴之地

言已不若夷節之好富貴能交結意盡形名任知以干上也○知音智冥音眠

顛冥猶迷惑也言其交結人主情馳富貴補不自許以之神句神在我之自然者也非相助以德

相助消也

苟進故德薄而名消

夫凍者假衣於春暘者反冬乎冷

風

言已順四時之施不能赴彭陽之意○暘音謁字林云傷暑也

夫楚王之為人也形

尊而嚴其於罪也無赦如虎非佞人正德其孰能撓焉

故聖人其窮也使家人忘其貧

澹然無欲樂足於所遇不以侈靡為貴而以道

德為榮故其家人不識貧之可苦

其達也使王公忘爵祿而化卑

輕爵祿而

重道德超然兩忘不覺榮之在身故使王公失其所以為高○而化卑居高而以卑為本也

其於物

也與之為娛矣

不以為物自苦

其於人也樂道之通而保已焉

通彼而不喪我

故或不言而飲人以和

人各自得斯飲和矣豈待言哉○飲於鴆反

與人並立而使入化

望其風而靡之

父子之宜彼其乎歸居

欲彼

父父子子各歸其所

而一間其所施

其所施同天地之德故間靜而不二○間音閑

其於



人心者若是其遠也故曰待公閱休

欲其釋楚王而從閱休將以靜泰之

風鎮其動心也

聖人達綢繆

所謂玄通

周盡一體矣

無內外而皆洞照

而不

知其然性也

不知其然而自然者非性如何復命搖作而以天為師

搖者

自搖作者自作莫不復命而師其天然也○復命搖作搖動也萬物動作生長各有天然則是復其命也人

則從而命之也

此非赴名而高其迹師性而動其迹也○命名也憂

乎知而所行恒無幾時其有止也若之何

任知其行則憂患相繼○

知音智幾居豈反時其有止也若之何憂乎智謂有為者以形智不至為憂也不知用智必喪喪而更以不智為憂及其智之所行有弊無濟故其憂患相接無須臾停息故曰恒無幾時其有止也不能遺智去憂非可憂

何如生而美者人與之鑑不告則不知其美於人也鑑鏡也

物無私故人美之今夫鑑者豈知鑑而鑑耶生而可鑑則人謂之鑑耳若人不相告則莫知其美於人譬之聖

人人與之名若知之若不知之若聞之若不聞之其可喜也

終無已夫鑑之可喜由其無情不問知與不知聞與不聞來即鑑之故終無已若鑑由聞知則有時而

廢人之好之亦無已性也若性所不好豈能久照○好乎報反聖人之愛

人也人與之名不告則不知其愛人也聖人無愛若鏡耳然而事濟於

物故人與之名若人不相告則莫知其愛人也若知之若不知之若聞之若不

聞之其愛人也終無已蕩然以百姓為芻狗而道合於愛人故能無已若愛人由乎聞

知則有時而衰也

人之安之亦無已性也

性之所安故能久

舊國舊都

望之暢然

得舊猶暢然況得性乎○暢然喜悅貌

雖使丘陵草木之緡

緡合

也○緡音昏盛也

入之者十九猶之暢然況見見聞聞者也

所見

嘗見聞所嘗聞而猶暢然況體其體用其用也○以十九謂見十識九也見見聞聞見所見聞所聞

以十

仞之臺縣衆間者也

衆之所習雖危猶間況聖人之無危○縣音玄間音閑

冉相

氏得其環中以隨成

冉相氏古之聖王也居空以隨物物自成○相息亮反

與物

無終無始無幾無時

忽然與之俱往

日與物化者一不化者也

日與物化故常無我

闔嘗舍之

言夫為者何不試舍其所為乎○舍音捨

夫

師天而不得師天

唯無所師乃得師天

與物皆殉其以為事也若

之何

雖師天猶未免於殉奚足事哉師天猶不足稱事況又下斯耶

夫聖人未始有天

未始有人未始有始未始有物與世偕行而不替所行

之備而不恤其合之也若之何

都无得冥合○恤音溢濫也壞敗也无心偕行

何往而不至故曰皆殉也所行

之備而物我无傷故无壞敗也湯得其司御門尹登恒

為之傳之

妻之百官而不與焉○門尹官名登恒人名為于偽反下同傳音付下同從師而

不圓

任其自聚非圓之也從其自散非解之也

得其隨成為之司其名

司御之屬

亦能隨物之自成也而湯得之

所以名寄於物而功不在已之名羸法得其兩見名

者已過之迹而非適足也故曰羸然无心者寄治於辟  
司則其名迹並見於彼○羸音盈法得其兩見賢遍反  
得其隨成之道以司其名名實法  
立故得兩見猶人鑑之相得也  
仲尼之盡慮為之傳

之  
仲尼曰天下何思何慮慮已盡矣若有纖芥之慮  
宜得寂然不動應感無窮以輔萬物之自然也  
容

成氏曰除日無歲  
今所以有歲而有日者為有死生故  
也若死无生則歲日之計除也

容成老  
子師也  
無內無外  
无彼我則  
无内外也  
魏瑩與田侯牟約田侯牟

背之魏瑩怒將使人刺之犀首聞而耻之曰君為萬乘

之君也而以匹夫從讎衍請受甲二十萬為君攻之虜

其人民係其牛馬使其君內熱發於背然後拔其國忌

也出走然後扶其背折其脊季子聞而恥之曰築十仞之城城者既十仞矣則又壞之此胥靡之所苦也今兵不起七年矣此王之基也衍亂人不可聽也華子聞而醜之曰善言伐齊者亂人也善言勿伐者亦亂人也謂伐之與不伐亂人也者又亂人也君曰然則若何曰君求其道而已矣惠子聞之而見戴晉人戴晉人曰有所謂蝸者君知之乎曰然蝸至微而有兩角○魏瑩魏惠王也田侯齊威王也名牟史記威王名因不名牟犀首魏官名也若今虎牙將軍公孫衍為此官元嘉本作齒首忌也出走忌畏而走扶猪巢

反折之古反季子魏臣華子亦魏臣也惠子惠施也戴  
晉人梁國賢人惠施薦之於魏王蝸音戈蝸蟲有兩角  
俗謂之蝸牛三蒼云小  
牛螺也云俗名黃犢  
有國於蝸之左角者曰觸氏有

國於蝸之右角者曰蠻氏時相與爭地而戰伏尸數萬

逐北旬有五日而後反

誠知所爭者若此之細也則

君

曰噫其虛言與曰臣請為君實之君以意在四方上下

有窮乎君曰無窮曰知遊心於無窮而反在通達之國

人迹所及為通達  
謂今四海之內也

若存若亡乎君曰然

今自以四海為  
大然計在无穷

之中若有  
若先也

曰通達之中有魏於魏中有梁於梁中有王

王與蠻氏有辯乎君曰無辯

王與蠻氏俱有限之物耳有限則不問大小俱不得

與無窮者計也雖復天地共在無窮之中皆幾如也況魏中之梁梁中之王而足爭哉

客出而君

惘然若有亡也

自悼所爭者細○惘音敞字林云惘也

客出惠子見君曰

客大人也聖人不足以當之惠子曰夫吹管也猶有嗃

也吹劍首者呖而已矣堯舜人之所譽也道堯舜於戴

晉人之前譬猶一呖也

魯不足聞○莞音管本亦作管嗃許交反管聲也玉篇呼洛反

劍首謂劍環頭小孔也呖音血呖然如風過

孔子之楚舍於蟻丘之漿其鄰

有夫妻臣妾登極者子路曰是稷稷何為者耶仲尼曰



是聖人僕也是自理於民

與民同。蟻丘山名。衆賈衆家一謂逆旅舍以菰蔣草覆

之也。極屋棟也。升之以觀也。一云極平頭屋也。稷音總。聚貌。聖人僕謂懷聖德而隱僕隸也。

自藏於

畔進不榮華退不枯槁。○藏於畔脩田農之業是隱藏於畔。

其聲銷

損其名也。○其銷音消小也。

志無窮

規是生也。

其口雖言其心未嘗言

所言者皆世言。

方且與世

違而心不屑與之俱

心與世異。

是陸沈者也

人中隱者譬无水中而沈也。○陸

沈當顯而反隱如无水而沈也。

是其市南宜僚耶子路請往召之孔子

曰已矣彼知丘之著於已也

著明也。

知丘之適楚也以丘

為必使楚王之召已也彼且以丘為佞人也夫若然者

其於倭人也羞聞其言而况親見其身乎而何以為存

不如舍之以從其志補存史記過存之存言人何存問之也口義作必去而不留

子路往視之

其室虛矣

果逃去也

長梧封人問子牢曰君為政焉勿鹵莽

治民焉勿滅裂

鹵莽滅裂輕脫粗畧不盡其分○長梧地名封人守封疆之人也子牢即琴牢

孔子弟子子鹵音魯鹵莽猶麓粗也謂淺耕稀種也滅裂斷其草也

昔子為耒耕而鹵莽

之則其實亦鹵莽而報予芸而滅裂之其實亦滅裂而

報予予來年變齊深其耕而熟耰之

功盡其分无所不至○齊才細反一

如字云變更也謂變更所法也齊同也耰音憂鋤也字林云摩田器也

其耒繁以滋予終

年厭殮莊子聞之曰今人之治其形理其心多有似封

人之所謂遁其天離其性滅其情亡其神以衆為夫遁

亡以衆為之所致也若各致其極則何患也○殮音孫故鹵莽其性者欲惡之孽

為性萑葦萑葦害禾稷欲惡傷生性○葦葭路反萑音九葦葦也薰葭始萌以扶

吾形形扶疎則神氣傷○葦古恬反廉也葭音加亦葦也尋擢吾性以欲惡引性不止於當

並潰漏發不擇所出漂疽疥癰內熱洩膏是也此鹵莽之報也

政治性者安可以不齊其至分○潰回內反漏發謂精氣散泄上潰下漏不擇所出也漂疽謂病瘡膿出也疥音界洩所求反謂虛勞人尿上生肥白沫也皆為利欲感動失其正氣不如深耕熟耨之有實栢矩學

於老聃曰請之天下遊老聃曰已矣天下猶是也又請

之老聃曰汝將何始曰始於齊至齊見臯人焉推而強

之解朝服而幕之號天而哭之曰子乎子乎天下有大

菑子獨先離之曰莫為盜莫為殺人

殺人大菑謂自此以下事大菑既有

則雖戒以莫為其可得已乎○栢矩有道之人  
辜罪也謂應死人也幕覆也菑音哉離著也

榮辱立

然後觀所病

各自得則無榮辱得失紛紜故榮辱立榮辱立則夸其所謂辱而

馳乎夸跂之  
間非病如何

貨財聚然後觀所爭

若以知足為富將何爭乎

今立人

之所病聚人之所爭窮困人之身使無休時欲無至此

得乎

工有所好則下不能安其本分

古之君人者以得為在民以失為

在已

君莫之失則民自得矣

以正為在民以枉為在已

君莫之枉則民自正

故一形有失其形者退而自責

夫物之形性何為而失哉皆由人若掩之以至

斯患耳故自責

今則不然匿為物而愚不識

反其性匿也用其性顯也故為物所

顯則皆識

大為難而罪不敢

為物所易則皆敢

重為任而罰不勝

輕其

所任則皆勝○勝音升

遠其塗而誅不至

適其足力則皆至

民知力竭則

以偽繼之

將以避誅罰也○知音智下同

日出多偽士民安取不偽

主日

興偽士於何許得其真乎

夫力不足則偽知不足則欺財不足則盜

盜竊之行於誰責而可乎

當責上也

蘧伯玉行年六十而六

十化

亦能順世而不係於彼我故也

未嘗不始於是之而卒訖之以非

也

順物而暢物情之變然也

未知今之所謂是之非五十九非也

物情

之變未始有極

萬物有乎生而莫見其根有乎出而莫見其門

无根无門忽爾自然故莫見也唯无其生亡其出者為能觀其門而測其根也

人皆尊其知之

所知而莫知恃其知之所不知而後知可不謂大疑乎

我所不知物有知之者矣故用物之知則无所不知獨任我知知其寡矣今不恃物以知而自尊其知則物不告我非大疑如何

已乎已乎且無所逃

不能用彼則寄身无地

此則所謂

然與然乎

自謂然者天下未之然也

仲尼問於大史大弢伯常蹇狶

韋曰夫衛靈公飲酒湛樂不聽國家之政田獵畢弋不

應諸侯之際其所以為靈公者何耶大弢曰是因是也

靈即是无道之謚也

○太音泰弢吐力反伯常蹇曰夫靈公有妻三人同濫

而浴

男女同浴此无禮也○濫浴器也

史鰌奉御而進所搏幣而扶翼

以鰌為賢而奉御之勞故專幣而扶翼之使其不得終禮此其所以為肅賢也幣者奉御之物○鰌音秋史魚

也搏音博幣音蔽云引衣裳自蔽扶翼公及浴女相扶翼自隱也補奉御而進所引進所進所居之處也持博

幣以進公使人扶翼之言有禮也

其慢若彼之甚也見賢人若此其肅

也是其所以為靈公也

欲以肅賢補其私慢靈有二狝義亦可謂善故故仲尼問焉

韋曰夫靈公也死卜葬於故墓不吉卜葬於沙丘而吉

掘之數仞得石槨焉洗而視之有銘焉曰不馮其子靈

公奪而里之夫靈公之為靈也久矣

子謂蒯瞶也言不馮其子靈公將奪

女處也夫物皆先有其命故來事可知也是以凡所為者不得不為凡所不為者不可得為而愚者以為之在已不亦妄乎○故墓一本作大墓沙丘地名其子靈公讀絕句一以其子字絕句云言子孫不足可憑故使公得此處為塚也奪而里而汝也之二人何足以識之徒

里居處也一本作奪而埋之已然之見事耳未知少問於大公調曰何謂丘里之已然之出於自然也



言大公調曰丘里者合十姓百名而以為風俗也合異  
以為同散同以為異今指馬之百體而不得馬而馬係  
於前者立其百體而謂之馬也是故丘山積卑而為高  
江河合水而為大人合并而為公

无私於天下則天下之風一也。大

音泰丘里四井為邑四邑為丘十姓百名一姓為十人十姓為百名

是以自外入者有主

而不執由中出者有正而不距

自外入者大人之化也由中出者民物之性也

性各得正故民无違心化必至公故主无所執所以能合丘里而并天下一萬物而夷群異也

四時殊

氣天不賜故歲成

殊氣自有故能常有若本无之而由天賜則有時而廢。賜與也

五

官殊職君不私故國治

殊職自有其才故任之耳非私而與之

文武大人

不賜故德備

文者自文武者自武非大人所賜也若由賜而能則有時而闕矣豈唯文武凡性皆

然

萬物殊理道不私故無名無名故無為無為而無不

為

名止於實故無為實各自為故尤不為

時有終始世有變化

故無心禍者斯順

福淳淳

流行反覆

至有所拂者而有所宜

於此為戾於彼或以為宜

自殉

殊面

各自性其所是不能離也○自殉殊面廣雅云面向也謂心各不同而自殉焉殊向自殉是非大隔

故有所正者亦有所差

有所正者有所差

正於此者或差於彼

比於大澤百

材皆度

无棄材也

觀乎大山木石同壇

合異以為同也

此之謂丘里

之言

言於丘里則天下可知

少知曰然則謂之道足乎大公調曰

不然今計物之數不止於萬而期曰萬物者以數之多

者號而讀之也

夫有數之物猶不止於萬况无數之數謂道而足耶

是故天地者

形之大者也陰陽者氣之大者也道者為之公

物得以通通物

无私而强字之曰道

因其大以號而讀之則可也

所謂道可道也

已有之

矣乃將得比哉

名已有矣故乃將无可得而比耶

則若以斯辯譬猶狗

馬其不及遠矣

今名之辯无不及遠矣故謂道猶未足也必在乎无名无言之域而後至焉雖

有名故莫之比也

少知曰四方之內六合之裏萬物之所生惡

起問此者或謂道能生之。惡音烏。大公調曰陰陽相照相蓋相治四

時相代相生相殺言此皆其自爾非无所生。欲惡去就於是橋起雌

雄片合於是庸有凡此事故云為趣舍近起於陰陽之相照四時之相代也。惡音烏路反橋

起高勁言所起之勁疾也片音判字。安危相易禍福相生緩急相摩聚散

以成此名實之可紀精之可志也過此以往至於自然之故誰知所以

也隨序之相理橋運之相使窮則反終則始此物之所

有此物之所有自然而然耳非无能有之也。隨序謂變化相隨有次序也橋運謂相橋代類至次序以相

通理橋運以相制使也。言之所盡知之所至極物而已物表無所復有故言

知不過極物也。觀道之人不隨其所廢不原其所起。廢起皆自爾無所原

也。此議之所止。極於自爾故無所議。少知曰：季真之莫為，接子之

或使，二家之議孰正於其情？孰偏於其理？季真曰：道莫為也。接子曰：

道或使或使者有使物之功也。○季真接子二賢人。大公調曰：鷄鳴狗吠，是人之

所知，雖有大知不能以言讀其所自化，又不能以意其

所將為。物有自然非為之所能也。由斯而觀季真之言當也。斯而析之，精至於無

倫大，至於不可圍。皆不為而自爾。或之使莫之為，未免於物而

終以為過。物有相使亦皆自爾。故莫之為者未為非物也。凡物云云皆由莫為而過去。或使

則實

實自使之

莫為則虛

無使之也

有名有實是物之居

指名實之所在

無名無實在物之虛

物之所在其實至虛

可言可意言而愈疏

故求

之於言意之表而後至焉

未生不可忌

突然自生制不由我我不能禁

已死不可徂

忽然自死吾不能違○徂一本作阻

死生非遠也理不可覩

近於身中猶莫見其自爾

而欲或之使莫之為疑之所假

此二者世所至疑也

吾觀之本其

往無窮吾求之末其來無止無窮無止言之無也與物

同理

物理無窮故其言無窮然後與物同理也

或使莫為言之本也與物終

始恒不為而自使然也

道不可有有不可無

道故不能使有而

道

之為名所假而行

物所由而行故假名之曰道

或使莫為在物一曲

夫胡為於大方

舉一隅便可知

言而足則終日言而盡道

求道於言意之

表則足

言而不足則終日言而盡物

不能忘言而存意則不足

道物之極

言默不足以載

夫道物之極常莫為而自爾不在言與不言

非言非默議其

有極

極於自爾非言默而議也

莊子注卷八